

輿地考

歷代國界

文獻備考



東國文獻備考卷之十三

校正

輿地考一

東方自檀箕以降諸國分南北而國焉屬國
與國如一郡一縣者又紛如也互相爭奪區
域不明而且國號地名重複混雜馬韓濊貊
高句麗有二沃沮安市有三扶餘有四帶方
有五伽倻有六餘不可勝記以方言吏語雜
行名號之庀亂甚矣况東國置史濟自近肖
古羅自真興麗自嬰陽乃梁隋間也而是猶

不傳郡國故實其何以考乎至高麗中葉金
富軾作三國地志是必得於新羅舊籍可謂
信文而闕西與北闕焉山川道里不之載我
成廟辛丑命纂輿地勝覽中廟庚寅又命續
纂於是東方輿地井然如指掌盛矣哉然已
浚二百四十餘年州郡分合改號者多不可
無增修且固國不以山谿而設險以守大易
之訓也山川闕防亦宜致詳作輿地考第三
凡二十二卷

檀君朝鮮國

東史實鑑朝鮮音湖仙因水為名又云鮮明也地在東表日先明故名山海經

華

朝鮮

在列陽

註列水名

揚雄方

言朝鮮

洲水之間

張

華曰朝鮮有泉

水洲水

汕水

三水合為

洲水

疑樂

浪

朝鮮

取

名於此

三國遺事曰初都平壤後徙都白嶽之唐藏京

白嶽今文嶽

化縣

九月

山

之本

名關

山以

有宮

闕遺址也

後

緩聲呼之訛為

九月

山唐

藏京又訛為

藏

坪

後

坪

後

坪

後

坪

後

坪

高麗地理志江華縣西摩尼山頂有塹星壇世傳檀

君祭天壇傳燈山有三郎城世傳檀君命三子而籌

之

東史檀君命彭吳治國內山川以奠民居本記通覽

牛首州

今春

有彭吳碑

補臣謹按洪萬宗歷代總目以彭吳為檀君之
相至引金時習壽春古貊國通道自彭吳之勾
以證之然漢武帝征四郡時將領中有通道將
軍彭吳以官名及人名合而觀之則彭吳乃主
治道路山川史記平準書云彭吳賈滅朝鮮漢
書殖貨志云彭吳穿濊貊朝鮮貊之一字始見
於四郡之時則檀君之世豈有貊國之號耶時
習之詩蓋舉其官名追想功伐而非謂檀君之
臣也

補安鼎福東史綱目曰檀君疆域無考而箕子

代檀氏其堤封半是遼地則檀君之世亦當然
矣古記云北餘扶為檀君之後按扶餘在遼東
之北千餘里蓋檀氏世衰子孫北遷而舊疆因
八箕封矣麗史地志江都摩尼山塹城壇世傳
檀君祭天壇傳燈山三郎城世傳檀君使三子
等之然則其南亦當限以漢水矣

箕子朝鮮國

漢書曰玄菟樂浪武帝時置皆朝鮮濊貊勾麗蠻夷
殷道衰箕子去之朝鮮

唐書溫彥博曰遼東本箕子國

遼金史曰遼東廣寧皆箕子封地

續文獻通考曰咸平路箕子封地

遼陽州

漢時屬玄菟

海城縣

漢時屬玄菟

蓋平縣

漢時屬玄菟

金州

漢時屬玄菟

鳳凰城

漢時屬玄菟

廣寧縣

漢時遼東遼西二郡地尹根壽所錄

廣寧城址五里有箕子井傍有箕子廟有箕子戴冠塑像嘉靖間為兵火所燒

唐書裴矩曰高麗本孤竹國周以封箕子為朝鮮

綱目曰燕破東胡却地千里等長城自造陽至平壤

置上谷漁陽右北平遼東郡

魏畧曰朝鮮侯子孫驕虐燕遣將秦開攻其西方取

地二千餘里至滿潘汗為界

潘音盪汗音寒

臣謹按潘汗漢書遼東郡屬縣有潘汗註云
沛水出塞外西南八海蓋近遼山邊塞者也
滿地界未詳滿潘汗在遼東東幾許里未能
知而自遼東西行千餘里則將過今寧遠州
矣孤竹之地嘗為朝鮮之有故唐書直以為
箕子封於此而其實孤竹之入於朝鮮蓋在
春秋後也孤竹殷湯丙申受封殷周之際伯
夷之弟為君春秋時齊桓公伐山戎至孤竹
國然則孤竹春秋後乃為朝鮮之有也此朝
鮮最盛時而朝鮮以燕僭稱王欲興師討之

其強大可知至秦開攻取二千餘里界以滿
潘汗秦滅燕而長城起於遼東等障踰於涓
水遼河以東太師本疆幾盡失之此朝鮮垂
亡時也秦開即秦舞陽之祖

補東史綱目曰漢書曰玄菟樂浪本箕子所封
唐書裴矩曰遼東本箕子國遼史地志遼東本
朝鮮周武王釋箕子囚去之朝鮮因以封之遼
東志遼東本箕子所封之地一統志遼東名宦
亦載箕子盛京志瀋陽奉天府義州廣寧之界
皆云朝鮮界則遼地太半為箕子提封箕子又

都平壤凡都邑之地多定國中則吳氏湮所謂
遼河以東漢水以北皆箕氏地者然矣至後孫
當燕之末失西界千餘里以滿潘汗為界即漢
志遼東郡東部屬縣潘汗也於是而遼地八中
國

衛滿朝鮮國

史記曰自燕時嘗畧屬真番朝鮮為置吏等障塞秦
滅燕屬遼東外徼漢興為其遠難守復修遼東故塞
至涓水為界滿東走出塞渡涓水居秦故空地上下
障稍役屬真番朝鮮蠻夷都王儉

括地志曰朝鮮高句麗貊東沃沮五國之地東西千
三百里南北二千里東至大海四百里北至營州界
九百二十里南至新羅國六百里北至靺鞨國千四
百里

貊上當有濊字北有
營州之北當作西

補東史綱目曰衛滿纂箕氏其地西北限滿潘

汗又侵降其傍小邑真番臨屯今東北塞外及
北道嶺東之地是也西渡大海通青齊南至漢
水接三韓後亡八漢置四郡

濊國 一作穢 一作穢 一作穢

三國史曰東曉濊國都 曉音移 今江陵府東有濊
時所等古城遺址新羅南

解王時溟州人耕田得瀝
王印獻之溟州即江陵

漢書武帝元朔元年瀝君南閭等口二十八萬人
降為滄海郡三年罷郡

後漢書曰南閭反右渠內屬

東國古記扶餘國在玄菟北古瀝國其印文曰
瀝王之印國有古城曰瀝城南閭乃扶餘君而
非在於朝鮮界內者也

臣謹按漢書彭吳穿瀝貊朝鮮置滄海郡燕
齊之間靡然發動且東海曰滄海而瀝居東
海之濱故名以滄海也扶餘與東海遠隔扶

餘之非滄海郡明矣舊說扶餘君自稱亡人
國之耆舊亦自稱古之亡人南閭內屬而為
扶餘之濊云是說似得之矣

後漢書曰濊北與高句麗沃沮南與辰韓接東窮
大海西至樂浪濊及沃沮句麗本皆朝鮮之地元
封三年定朝鮮以濊地為臨菑郡

東史貊屬於濊故通稱濊

賈耽古今郡國志曰新羅北界溟州古濊國
東史濊國今江原道地

臣謹按濊之南與辰韓接未知在何地而辰
韓所統不過十二國後為新羅至阿達羅王

時始開雞立嶺竹嶺路新羅立國二百餘年
始開二嶺則辰韓時必不及於此而濊之地
踰二嶺者可知

補東史綱目曰元朔元年濊君南閭內屬帝以
其地為滄海郡數年乃罷元封三年滅朝鮮分
置四郡昭帝始元五年自單大嶺以東沃沮
濊貊悉屬樂浪分樂浪七縣置東部都尉以治

李敏求讀史隨筆曰單大嶺東西今關東西
也南閭二十八萬人雖并關東西人口而言以
今洞瑩見丁燕少可見古
今生聚繁寡之懸殊耳光武建武六年省都

尉遂棄嶺東地悉封其渠帥為縣侯皆歲時朝

謁後屬高句麗曹魏正始六年與不耐等舉邑
降魏此後不見於中國史

貊國

輿地志曰貊國都在今春川府北十三里昭陽江
北

補東史綱目曰貊亦東夷古國周官貊隸註征
東北夷所獲又職方掌九夷九貊鄭志荅趙商
云九貊卽九夷也爾雅註濊貊居五狄之一漢
書高帝四年北貊燕人致梟騎助漢後漢書武
帝滅朝鮮以沃沮地為玄菟郡昭帝以為夷貊

所侵徙郡於高句麗自算：大嶺以東沃沮濊
貊悉屬樂浪後以境土廣遠復分嶺東七縣置
樂浪東部都尉光武建武六年省都尉遂棄嶺
東地悉封其渠帥為縣侯歲時朝謁安帝永初
五年從高句麗濊寇玄菟建光元年幽州刺史
馮煥出塞擊斬濊貊渠帥高句麗率馬韓濊貊
寇玄菟新羅記儒理王十七年華麗不耐犯北
境貊國渠帥要曲河西敗之王喜與貊國結好
十九年貊帥獵得禽獸獻之是漢光武建武時
也蓋國小而兵強附於濊而屬高句麗者也其

疆域不可考而三國史引賈耽郡國志云勾麗
之東南瀝之西古貊地高麗史地志交州道本
貊地春州貊國是也三國遺事亦云春州古牛
首州古貊國

東沃沮國

後漢書曰東沃沮在高句麗蓋

音合

馬大山之東

濱大海北與挹婁扶餘南與瀝貊接其地東西狹
南北長可折方千里武帝滅朝鮮以沃沮地為玄
菟郡

東史曰東沃沮今咸鏡道地

一統志曰蓋馬大山在平壤西其東卽東沃沮
輿地勝覽曰平壤古蹟隋帝伐高麗左十二軍出
蓋馬等道會于鴨綠水西註蓋馬屬玄菟郡有蓋
馬大山漢書玄菟郡西蓋馬縣有馬訾水唐書以
馬訾水為鴨綠江高麗林彥九城記東至于海南
至于長定二州西北介于蓋馬山九城今屬咸鏡
道其西北係女真地面非平壤之境又隋師定蓋
馬道會鴨綠水西則此山疑在鴨綠江外西北之
界高勾麗盛時跨有遼河此山在其境內

柳馨遠曰三韓會土記本國山脉自蒙羅骨嶺

為長嶺山為頭里山為頭白山為蓋馬山其下
為東沃沮又云蓋馬山脉回為鐵嶺其西南脉
為劔池山為松嶽云今咸鏡平安兩道之間嶺
脊連亘數百里者即蓋馬山也以林彥記觀之
所謂九城皆在今咸鏡南道而長定二州今合
為定平府也九城之地不過三百里而西北介
于蓋馬山則此可知矣以玄菟郡有蓋馬大山
及西蓋馬縣有馬訾水觀之玄菟本東沃沮地
而今咸鏡道蓋馬山西北之水為鴨綠上游則
此又可知矣隋煬帝伐高句麗時左右各十二

軍出扶餘樂浪沃沮蓋馬等道其時渡遼者惟
九軍其餘則元不渡遼矣其所謂出某道者部
分諸軍使出於其道也非謂經過其道而後會
於鴨綠水西也果如勝覽之說則樂浪沃沮道
亦當在於鴨綠之西可乎

補東史綱目曰東沃沮今咸鏡南道自高原永
興等地至咸鏡以南是也後漢書始立東沃沮
傳昭帝時為夷貊所侵徙郡於高句麗更以沃
沮為縣屬樂浪東部都尉光武罷都尉封其渠
帥為沃沮侯其土迫小介於大國之間遂臣勾

麗

高勾麗國

後漢書曰高勾麗在遼東之東千里南與朝鮮濊貊東與沃沮北與夫餘接地方二千里多大山深谷武帝滅朝鮮以高勾驪為縣

漢四郡

樂浪郡

樂音洛浪音郎十
九史畧浪音也

本朝鮮之地郡治在朝

鮮縣

玄菟郡

菟音徒

郡治或云在今咸興 臨屯

郡

屯音豚一作菟漢書註去
長安六千一百三十八里

郡治在東曉縣領縣

十五

真番郡

番音婆漢書註去
安七千六百四十里

郡治在雲縣

甲 雲 胡 領縣十五

補東史綱目曰樂浪領二十五縣戶六萬二千八百二十二口四十萬六千七百四十八是平帝始元二年戶口也後漢志昭帝以境土廣遠分嶺東七縣置東部都尉光武建武六年罷都尉官并棄嶺東地悉封其渠帥為縣侯皆歲時詣郡朝賀郡距洛陽東北五千里領縣十八蓋嶺東七縣棄之故數不及班志也戶六萬一千四百九十二口二十五萬七千五十是順帝永初五年戶口也晉志樂浪郡漢置領六縣曰朝

鮮屯有渾彌遂城樓方駟望戶三千七百蓋七
縣分屬帶方又有省併之異及夷貊所侵奪故
其數不及兩漢矣資治通鑑晉愍帝建興元年
張統據樂浪帶方二郡與高句麗乙弗相攻連
年統尋歸慕容廆則樂浪之地蓋以此時入麗
矣又云廆置樂浪郡以統為太守則此別置遼
界而冒稱舊號若後世遙領之例非漢故郡也
其地在漢武初開之時則為今兩西及漢北之
地昭帝以後舊玄菟所治今咸鏡南道臨屯所
治今嶺東并於樂浪光武以後棄嶺東七縣薩

水以北亦入於麗漢魏之際又分置帶方郡樂浪郡治竟為麗有至于張統迫于勾麗投身慕容氏樂郎之號因以廢矣

補又曰臨屯漢書衛滿侵降其傍邑真番臨屯則其有號久矣武帝置四郡臨屯其一蓋降國為郡矣臣瓚註曰茂陵書臨屯郡治東曉縣去長安六千一百三十八里領十五縣又後漢書昭帝并臨屯於樂浪自單、大嶺以東沃沮濊貊皆屬樂浪後以境土廣遠復分嶺東七縣置樂浪東部都尉按漢志樂浪二十五縣并臨屯

層縣而言也分七縣屬東部故後漢書樂浪縣
只十八矣然則所謂七縣包在臨屯十五縣中
也高麗史地志溟州本濊國漢武時為臨屯輿
地勝覽溟州今江陵府別號臨屯濊國滄海郡
東曉更按漢書武帝元朔元年濊君南閭率男
女二十八萬口詣遼東內屬帝以其地為滄海
郡尋罷之此在定四郡前二十年矣臨屯濊國
皆同一時且觀濊衆至于二十八萬則其地不
少以此言之江陵一邑豈能容二國乎臨屯既
稱小邑則蓋不過部落酋長之號而當時濊已

降漢其地并屬臨屯以濊都東曉縣為臨屯治所也。第大嶺今鐵嶺內外至大關嶺一條山嶺是也。勝覽大關嶺亦補大嶺蓋舊號不替也。據此言之則今咸鏡道暨江原嶺東之地皆臨屯所管也。

補又曰玄菟東方九夷是也。漢元封三年滅朝鮮定四郡以東沃沮地為玄菟郡。

洪氏總目或云郡治今咸

府興漢志玄菟郡班氏自註武帝元封四年開高句麗莽曰下句麗後漢書沃沮傳武帝滅朝鮮以沃沮地為玄菟後為夷貊所侵徙都於高句

麗西北瀝傳昭帝始元五年罷臨屯真番以併
樂浪玄菟玄菟復徙居勾麗據此則玄菟郡治
初在沃沮而後徙勾麗矣漢志玄菟郡領三縣
戶四萬五千六口二十二萬一千八百四十五
後漢志玄菟郡在洛陽東北四千里領六城戶
千五百九十四口四萬三千一百六十三晉志
玄菟郡領三縣以史考之自漢至魏雖被勾麗
侵掠而為中國之地至晉世遼東玄菟屬慕容
氏與勾麗侵奪晉孝武大元十年勾麗陷遼東
玄菟慕容農來復二郡安帝義熙元年燕王熙

來攻遼東城不克而還燕亦尋亡則二郡陷入
勾麗在此時矣漢志所謂上殷台西蓋馬到晉
時却不見而又徙郡治於望平望平在遼水西
今廣寧縣界是也然則上殷台西蓋馬等縣漢
魏之際蓋入于麗矣盛京志云玄菟郡多在盛
京東北及永吉州界內此說得矣而又以海城
復州鳳凰城等地皆以爲漢玄菟郡然則遼東
十八縣將何處開列耶遼東之西安平縣在鴨
綠江入海處則遼東以鴨綠江爲界矣豈有他
界撓入之理乎蓋樂浪玄菟之名當兩晉之間

或僑置於今遼地者而後人不復辨焉遂以為實而然耶玄菟之地麗亡八唐後為渤海大氏所併自後諸夷交奪歷遼金至清屬于中國矣

補又曰真番有獮在衛滿之前史記曰燕時略

屬真番朝鮮至滿侵降真番臨屯等地

見漢書

書又云遼東東賈真番之利然則其地在遼東之東矣漢武定四郡置真番郡臣瓚曰真番郡治雲縣去長安七千六百四十里領十五縣漢書註雲縣無所考昭帝始元五年罷真番郡則以其荒遠難守而直罷之也後漢書以為併真

番於玄菟則恐考之未詳也若使合併則玄菟
與真番所領十五縣其數甚多而今玄菟所領
何至於三耶其去長安若是之遠者蓋武帝東
征兵威遠讐肅慎諸部望風歸服故以真番為
郡盡東北之界而開列縣邑者班固序曰真番
之利與燕相接此言東北諸夷之通中國必先
之燕非謂壤界相接也註家不知師古謂真番
與燕相接應劭謂玄菟古真番國皆非也若玄
菟即古真番則立郡之際何不補真番而補玄
菟耶意者真番之真出於肅慎而後世女真之

真亦襲真番歟前漢書有真番而無沃沮後漢書有沃沮而無真番則真番沃沮或是前後之異名歟盛京志漢武置四郡後改真番臨屯為遼西遼東郡玄菟樂浪仍舊云殊不知遼西遼東自秦已置而為此杜撰之言徒起後人之疑也

韓百謙曰朝鮮傳云真番臨屯皆來服屬又云真番辰國欲上書見天子壅闕不通以此見之真番實在朝鮮臨屯辰國之間其得貊國舊地可知也

金崙曰漢書註云真番去長安七千六百里臨

菴去長安六千一百里

右兩里與東北同漢書註小異

真番

遠於臨菴則我國界內不可得似在今寧古塔近處矣

臣謹按史記曰燕時略屬真番朝鮮置吏等

鄣秦滅燕屬遼東外徼漢書曰遼東賈真

番之利文獻通考曰遼東南扼朝鮮東控真

番然則真番在遼東之明甚而燕置吏等鄣

則與遼東不遠可知也大率漢以五國地為

四郡而朝鮮為樂浪濊貊為臨屯沃沮為玄

菟皆有明證獨高勾麗二千里地豈可只為
一縣哉是必為真番也應劭曰玄菟本真番
國然玄菟有二一則漢武置四郡時玄菟此
東沃沮地也一則昭帝為二郡時玄菟此自
東沃沮移設於遼界者也應劭所謂玄菟乃
二郡時玄菟也屬縣有西蓋馬高勾驪西蓋
馬在蓋馬山之西其東即沃沮其南即濊朝
鮮也高勾驪在於遼山遼水所出之處其西
即遼東其北即扶餘也以漢書所謂高勾驪
在遼東之東南與朝鮮東與沃沮北與夫餘

接者四履相合無一違錯應劭所謂玄菟本
真番者在高句驪地內無疑矣

補

臣謹按通鑑云真番取吏於遼東史記云

畧屬於燕蓋是高句麗境內而與遼東未甚
相遠也以東史論之臨屯郡治在東曉即江
陵真番郡治在雲縣即遼東而漢書註臨屯
去長安六千一百里真番去長安七千六百
里在西者為遠蓋東者反近決無是理註說
恐誤

漢二府

漢書昭帝始元五年以平邦玄菟等郡為平州都督府以臨屯樂浪等郡為東部都督府

補

臣

謹按都督之名始於李唐而在漢則無有也此云都督府恐是記者之誤

輿地勝覽曰漢以朝鮮舊地平邦及玄菟郡為平州都督府今平山府東牛峰縣聖屋山即古之平邦山疑府即漢時都督府

柳馨遠曰所謂平邦即真番而平州都督府即玄菟郡也以地形論之昭帝置二府時既以樂浪臨屯并為東部都尉府則今平壤以東江陵

以西地固已相接本府介居其間而密通平壤
又安得為漢時平州府乎

臣謹按漢書地志則謂平那合於玄菟濊傳
則謂真番合於玄菟平那卽真番也蓋真番
有屬縣十五當其罷之之初擇其近於玄菟
者別屬焉平那乃其一耳

漢二郡

漢書昭帝元鳳元年以玄菟為夷貊所侵徙郡於高
句驪西北改博城又改二府為二郡自葷大嶺以東
沃沮濊貊悉屬樂浪後以境土廣遠復分嶺東七縣

置樂浪東部都尉

柳馨遠曰自咸鏡道之鈿山今水嶺至鉄嶺金剛五臺山為大関嶺

攝豆千餘里
即算大嶺也

樂浪郡

雄陽東北
五十里

領縣二十五

朝鮮縣

今平壤以朝
鮮國都故名

訥邨縣

訥音男
邨音耐

涓水縣

水西至增
池入海

輿地勝覽大同江註史記漢興修遼東古塞至

涓水為界衛滿亡命東走出塞渡涓水都王儵

則以鴨綠江為涓水矣又唐書平壤城漢樂浪

郡也隨山屈繚為郭南涯涓水則指今之大同

江又高麗史以平山府猪灘為涇江則百濟始祖北以涇江為界乃唐帝泊涇江西浦布錢下陸到松嶽郡者疑指此也以此觀之本國自有三涇水而古今衆所的知者則獨大同江也

遼史曰遼陽縣在漢涇水縣北涇水亦曰泥河

在海城縣西六十里 一曰蘄茅灤水多蘄茅草

臣謹按燕畧朝鮮置吏等鄣而漢以其遠難守等遼東故塞至涇水為畧云則燕之置吏至於涇水之南明矣燕秦經理未嘗及於鴨江則涇水乃在於鴨江之北遼東之南者而

泥河之為涓水是矣自唐後皆以大同江為
涓水而其實非漢縣之涓水也至於鴨綠即
馬訾也馬訾與涓水同時分見於樂浪玄菟
二郡鴨綠之非涓水明甚

含資縣

含一作貪本註帶
水西至帶方入海

東史曰新莽時辰韓帥廉師鑑將降樂浪道遇漢
人名戶來者曰我等千五百人伐木入山為韓所
獲皆斷髮為奴三年矣鑑與戶來詣含資縣言
郡即以鑑為導乘大舡入辰韓迎戶來之同伴

黏蟬縣

蟬音提本註
列水入海處

遂成縣

杜佑通典曰碣石山在漢樂浪郡遂成縣秦長城東截遼水起於此遺址猶在云

增地縣

泃水入海處則當在今海城縣之迷真山面

帶方縣

本註帶水入海處

補三國地志曰漢公孫度及曹魏所置帶方郡乃分出漢樂浪郡之帶方等縣為郡者也而遼東不遠濱海之地也高麗史地志冒係於全羅道南原府舛誤甚矣

驪望縣

海溟縣

遼志曰興州本漢海冥縣在東京西南三百里

列口縣

長岑縣

遼志曰崇州本漢長岑在東京東北百五十里

屯有縣

昭明縣

南部都尉治

鏐方縣

提奚縣

渾彌縣

吞列縣

本註今黎山列水所出西至
縣入海行八百二十里

韓百謙曰漢江之外無八百里大水恐漢江為
列水漢江之源一出太白山一出五臺山西南
與龍津合為漢江所謂吞列恐亦不出此等地
而列口亦疑在漢江咽喉之地也

東曉縣

不而縣

一作不耐
東部尉治

蠶台縣

華麗縣

邪頭昧縣

前莫縣

夫祖縣

韓百謙曰玄菟移設後單大嶺以東悉屬樂浪境土廣遠分嶺東七縣置樂浪東部都尉建武六年省都尉官遂棄嶺東地悉封其渠帥為縣侯東曉以下七縣是也

臣謹按通典曰新羅兼有沃沮不耐漢濊之地魏志嶺東不耐濊侯等降樂浪後漢書地志樂浪郡只有十八縣而東曉以下七邑無之七縣之在嶺東明矣

帶方郡

後漢書靈帝末韓熾并盛郡縣不能制百姓苦難
多流亡八韓者獻帝建安中公孫康分屯有鹽
縣以南荒地為帶方郡收集遺民陽嘉元年高

句麗犯遼東西安平

鴨綠江八海處

殺帶方令掠得樂浪

太守妻子

漢書曰辰韓八國屬於樂浪倭韓屬於帶方

魏志曰從帶方郡至倭循海岸行歷韓乍南乍東

韓謂百濟通倭之路由帶方西海歷百濟而南
下又東行以至故漢以倭與百濟屬於帶方北

齊隋唐史皆封百濟王為帶方郡公

百濟本紀曰責稽王時高句麗伐帶方王曰帶方
舅甥之國也出兵救之蓋鹵王嘗遣帶方太守張
茂八朝于元魏

新羅本紀曰基臨王巡牛頭城帶方來服

高句麗本紀曰唐將高侃將蕃兵到平壤深溝高
壘以侵帶方

百濟本紀曰溫祚王渡湍帶二水登漢山負兒嶽
又溫祚王三十七年大旱漢麗湍帶之間空無屋
民水東北部落亡八高句麗

帶方七縣 帶方 列口 南新 長岑 提

奚 貪資 海冥

臣謹按帶方乃分樂浪南界諸縣為郡而其郡治在於帶方者也以諸書考之帶方即帶水入海處也列口即列水入海處也帶方之地蓋在西海之沿而南與百濟隣比東與牛頭城北與平壤不甚相遠帶水乃在漢山豬灘之間而似今臨津江也諸史家以高句麗犯遼東殺帶方令之文為證而謂帶方在遼東濱海之地若然則樂浪亦可謂在於遼東乎我東號為帶方者多唐時有帶方州二一

則滅百濟以其地分置五都督府并為帶方
州詔劉仁軌為刺史者也一則李勣滅高句
麗後以百濟南界置帶方州而以至留軍那
等縣為屬者也

附
樂浪分界

括地志曰朝鮮南界六百里

朝鮮即樂浪郡治今平壤至漢江五百五

十里

百濟本紀曰沸流溫祚南奔相可居之地沸流都

彌鄒忽溫祚都慰禮城十三年

漢建元元年

遣使馬韓

告定疆域曰北至貝河

今牙山猪灘

南限熊川西竄大

海東極走壤

走壤一名逃巖城新羅世宗文王十三年

馬韓遣使責曰王初渡河無所容足吾割百里之

地以安之今侵我封疆溫祚慙毀熊津柵是歲溫

祚以慰禮城東有樂浪侵軼遷都漢山

自慰禮至漢江百九

里十高勾麗本紀廣開土元年

晉大元十七年

攻取百濟漢

北諸郡長壽王六十三年

宋元徽三年

攻陷百濟漢山

殺其王百濟徙都于南

新羅本紀曰真興王十六年

梁紹泰元年

創北漢州二

十九年

補陳光大二年

置南川州

今利川

真平王二十五年

隋仁壽三年

高勾麗攻北漢城不克武烈王創壯義寺

於漢州文武王帥師次漢山迎唐師

臣謹按溫祚畫定四封而不告他隣且告馬韓則其四封之內似是馬韓之地今京畿黃海道是也括地志云朝鮮南界六百里則當踰漢水矣然溫祚四封皆是馬韓之地而為一國之半則馬韓豈可只以侵我封疆為言乎溫祚只毀熊津柵不以他地返則馬韓又豈可無後言乎蓋樂浪之界自漢濱迤出慰禮之東至島竹二嶺舊濊貊之墟故溫祚云東有樂浪也

右樂浪帶方南界

東國通鑑曰溫祚十八年

補漢元壽二年

欲襲樂浪牛頭

城遇大靈還

百濟本紀曰仇首王九年

蜀漢章武二年

掠新羅牛頭鎮

羅將忠萱領兵拒之

新羅本紀曰基臨王三年

晉永康元年

巡至牛頭州樂

浪帶方兩國來服訥祇王

原本作實聖王今釐改

二十二年

補宋元嘉十四年

牛頭郡山水暴至漂流五十餘家

高句麗本紀曰太祖王四年

漢中元年

滅東沃沮拓

境至滄海

濱州

新羅本紀曰婆娑王二十三年漢永元十四年悉直國來

降魏志齊正始六年補助賁王十六年樂浪太守劉茂帶

方太守弓遵以嶺東濊貊屬勾麗興師伐之不耐

濊侯等舉邑降

高句麗本紀曰長壽王五十六年宋泰始四年取悉直

為郡

新羅本紀曰智證王八年梁天監六年以異斯夫為悉

直州軍主真興王二十九年陳廢帝二年以達忽為州

巡北邊至今咸興府善德主置溟州武烈王以溟

州為都督府唐貞觀間

右樂浪東界

高句麗本紀曰大武神王十五年

漢建武八年

襲樂浪

破之二十七年漢遣兵渡海復取樂浪

屬漢

薩水今清川江三國史云薩水以南而東國通鑑改此字蓋漢兵渡海由來徑取薩水

以南蓋于郡恐南字非語也

魏畧曰司馬懿定四郡明帝密遣帶方太守劉昕

樂浪太守鮮于嗣越海定二郡

三國史曰高句麗義川王十四年

晉建武元年

襲樂浪

十五年侵帶方

百濟汾西王七年

晉永興元年

襲取樂浪西縣冬十月

樂浪太守遣刺客殺百濟王

東國記異曰樂浪帶方後改僭補國

一統志曰樂浪郡晉永嘉末陷入高句麗

臣謹按漢自建武以後史無東征之事薩水
以北盡沒於勾麗而後漢書郡國志曰樂浪
十八縣蓋羈縻而已魏晉時猶云樂浪有六
縣而乍得旋失只存版圖耳平壤乃樂浪郡
治而自魏時已為勾麗之都樂浪東南界亦
為三國之迭據樂浪太守未知寄寓於何處
耶及其不通中國僭補國焉樂浪地界定然

後朝鮮三韓三國本疆可以領畧故特詳焉

右樂浪北界

玄菟郡

治陽東北
四千里

領縣三

高句麗縣

遼山遼水所出西南至遼隊八大
遼水又有南蘇水西北經塞外

上殷台縣

地界未詳

西蓋馬縣

馬營水西北行八百里至西安平
八海過郡二行一千一百里一龍志蓋

難水即今
終家江

後漢書曰安帝初以遼東之高顯侯城遼陽三縣

屬玄菟

今海西蓋平等
縣為玄菟所屬

臣謹按小遼水今名渾河西南流南蘇水未

詳而西北流經塞外則蓋歸於混同江者也
高勾驪在二水發源之處跨據遼山南北而
為縣玄菟在遼東之北高勾驪在玄菟東南
漢書云多大山深谷者是也馬訾水通典以
為鴨綠江縣在蓋馬山之西鴨綠江之上游
東與東沃沮接西與樂浪接蓋今平安道廢
四郡江界府等地方也

高勾驪國

東史實錄高朱蒙生於遼東勾驪山下故以其姓高字冠於山名上以為國号然高

勾驪起於漢高勾驪之地故因襲其号也驪本作驪盧溪切後省為驪

三國地志曰通典云朱蒙自北扶餘東南行渡普述

水至紇升骨城居然

都此九十四年

古紀云朱蒙自扶餘逃

難至卒本則紇升骨卒本似一處也漢玄菟郡所屬

三縣高勾麗是其一焉則朱蒙所都紇升骨卒本者

蓋玄菟之界

輿地勝覽曰平安道成川松讓故都也高勾麗始祖

東明王自北扶餘逃來都卒本川松讓以其國降沸

流水在館西即卒本川

後漢書曰勾麗依小水為居因名曰小水貊魏志曰

遼東西平安縣北有小水南流入海

遼史曰正州在綠州

渤海時
鴨綠府

西北三百八十里本沸

流王古地有沸流水漱海時為沸流郡

韓百謙曰勾麗本起於西安平則東史以卒本扶餘為成川者非是西安平今屬遼東外徼馬訾水入海處沸流水亦在其地恐今狄江是也

臣謹按漢昭帝元鳳元年置二郡而勾麗開

國在元帝建昭二年其間為四十四年是時

漢道全盛而樂浪太守在於今平壤自平壤

至成川不過百数十里松讓勾麗何以割據

乎且今咸鏡道為沃沮縣屬於樂浪勾麗又

何以介於其間乎所謂紇升骨沸流水不當

在於鴨江以南而遼志所載似得矣

三國史琉璃王二十一年郊承逸王命掌牲薛支遜

之至國內尉那巖得之反見王言國內山水可作都

二十二年自卒本遷國內尊尉那巖城

都凡二百七
年原本作

四百二十五
年今釐改

三國地志曰英公李勣奉勅以高勾麗諸城置都督

府鴨綠以北已降十一城其一國內城從平壤至此

十七驛則此城亦在北朝境內但不知何所

三國史畧曰國內城今義州

臣謹按通典云鴨綠水經國內城南國內之

在鴨水北明矣且薛支遜承而至國內承行
所到必不遠國內與卒本不甚相遠可知也

三國史山上王二年築九都城十三年移都

補都凡十九年

括地志曰不耐

耐一作耐

城即國內城也城累石為之此

即九都山

唐書曰登州東北海行過海自鴨綠江口舟行百餘

里乃小舫沂流東北三十里至泊灼口

即古安得澱

海之境又沂流五百里至九都城

李勣奏狀曰安市城或云九都城

東川王二十年魏幽州刺史毋丘儉將萬人出玄菟

來侵王遂戰于沸流水上再戰于梁貊之谷大敗王

奔鴨綠原儉攻陷九都屠之補二十一年移都平壤

都九十九年故國原王十二年復都九都城翌年移都東

黃城都九十八年長壽王十五年復都平壤都九十九年平

原王二十八年移都長安城平壤外城都九十八年

今釐改

遼史地志曰桓州在涿州西南二百里高麗王創創

立宮闕晉時為慕容皝所焚蕩

古記寧遠郡鈿山古九都俗謂鈿為九都

補東史會綱曰高勾麗本朝鮮之域而後并馬韓

為其界新羅本辰韓之域而後并麗濟為三韓之
主東明初起之地本朝鮮之玄菟舊域而後入中
國為今遼東蓋建州衛等地方

補通典云馬訾水一名鴨綠水源出東北靺鞨白
山水色如鴨頭故名之去遼東五百里經國內城
南又西南至安市城入海唐書所記亦然則此
城在鴨綠以北明矣似與鴨綠江不遠而未知其
為今何所耳

柳馨遠曰高句麗地志長壽王十五年自國內
移都平壤其本紀則謂山上王十三年自國內

移九都東川王二十一年徙都平壤故國原王
十二年復移九都十三年還移平壤東黃城長
壽王十五年復都平壤城二說自相抵牾通典
云高句麗自東晉以後居平壤亦曰長安城元
史地志高句麗平壤城亦曰長安城漢樂浪郡
也晉義熙後其王璉始居平壤城一統志所載
亦與元史同則謂長壽王始都平壤者恐為得
之然自山上王至長壽王其間十一王二百餘
年中本紀所書 母丘儉燕慕容氏相戰殘破
九都等事與魏晉諸史相符其自國內徙九都

自凡都徙平壤則明甚其謂長壽王自國內徙平壤者必有脫誤也又長壽王以前本紀所載多見居平壤時事高句麗得平壤已在長壽之前豈其遷徙無常而至長壽乃為定都耶

臣謹按高句麗初起於中國之東北隅漢自哀平以來號令中微重以王莽更始之亂而勾麗得全疆域且勾麗之北即扶餘也扶餘為琉璃王所破不自振扶餘之西北即匈奴也匈奴經五單于南北單于之亂逃遁奔竄其地又曠勾麗適乘是時南侵北伐土地日

關建武之際勾麗寇在北平漁陽上谷太原
夫在北平即順天府也漁陽在北平之西上
谷又在漁陽之西太原又在上谷之西皆漢
之北塞而當匈奴之衝勾麗之寇徑由四郡
蓋嘗北拓其地迤而漸西與四郡之境相逼
可知也是故勾麗稱胡而地實近北與今之
鴨綠東岸初相遠隔後雖用兵於東以薩水
為界而亦不過為其國之邊幅也其後三國
鼎峙於中土而公孫康雄張海外毋丘儉屠
戮北都則勾麗遂弱通典高勾麗至魏曹南

北漸縮才千餘里者是也又其後慕容氏起於遼北用迹攻之術勾麗不能支東渡鴨水來都平壤遂為東方之國又其後慕容氏殘滅馮氏來投而二魏爭衡中國疲於兵革勾麗復強地遂以關通典又言至隋漸大東西六千里者此也

補東史綱目曰高勾麗始起遼左卒本之地即渤海羣賓府置華蓋建三州明置建州衛今瀋陽奉天府興京之地是也後移國內尉那巖今楚山府江北兀刺山城是也又有九都城與國

內相接渤海於高句麗故地置西京鴨綠府領
神桓豐正四州桓即九都舊地也後定都於平
壤三國史所謂始居中國北地漸東遷于溟水
之側者是也其初東北與靺鞨東與沃沮東南
與濊貊南與樂浪西與遼東玄菟北與扶餘接
其地兩漢之際并吞沸流苻人蓋馬勾茶北沃
沮東沃沮諸小國又北取扶餘奪其南地侵樂
浪以薩水為限後又并吞扶餘樂浪帶方玄菟
遼東等地至于遼西麗之拓地多在于廣開土
王長壽王當東晉之季廣開土之號亦以拓地

而得矣初與百濟以涇水為界北史魏太武時
使李教至麗其地南至小海北至舊扶餘人戶
三倍於前魏時小海今海州以南小海經渡至
忠清道內浦等地南史亦謂百濟處於小海東
南者是也涇水下流為今碧瀾渡流入小海則
涇為麗濟之界分明而其後又侵濟奄有漢水
以南忠清道東北一面侵新羅奪其北地北史
王居平壤城國內城及漢城亦別都也其國中
號為三京於是其地東西際海東南踰嶺接新
羅南渡漢水數百里連百濟北至舊扶餘東北

至靺鞨西北渡遼水幅員之大於斯盛矣及其
衰也隋人東侵新羅棄虛奪地五百里則七重
城北漢山州等地陷于羅未幾遼東八唐國旋
亡地屬中國玄宗時今大同江以北東北之地
盡陷渤海新羅得其南境置漢湫朔三州今德
源中和以南是也纂要云其地東西至大海南
至漢江北至遼河者言其槩也後漢書云在遼
東之東千里南與朝鮮瀋貊東與沃沮北與扶
餘接地方二千里多大山深谷北史云東至新
羅西渡遼二十里南接百濟北隣靺鞨一千里

後周書云朱蒙裔孫璉始通後魏其地東至新
羅西渡遼水南接百濟北隣靺鞨遼東玄菟等
數十城皆置官司隋書云東西二千里南北千
餘里唐書東距新羅南距百濟西北渡遼水接
營州按盛京志自義州廣寧以東開京以南遼
東全地皆勾麗舊地也

沸流國

高句麗本紀東明王二年松讓王以國來降以其
地為多勿都封松讓為主

麗語謂復舊土為多勿
朱蒙稱以其舊基而爭

苻人國

高句麗本紀東明王六年王命烏伊芬奴伐太白
山東南苻人國取其地為城邑

臣謹按太白山有二一在寧遼一在三陟東
史以苻人為在於三陟澳覽為在於寧遼似
因山名之同為太白而有誤也

蓋馬國

勾茶國

詳本

高句麗本紀大武神王九年原本作八年今釐改冬十月王
親征蓋馬國殺其王以其地為郡縣十二月勾茶

國聞懼害及舉國來降

(補)東史綱目曰高勾麗東明王六年伐太白山
南苻人國大武神王九年取蓋馬國勾茶王懼
而降按太白山即蓋馬大山今白頭也蓋馬大
山之稱蓋以國而名也漢志玄菟郡有西蓋馬
縣亦在此山之西而名之也勾茶亦蓋馬之隣
國

北沃沮國

高勾麗本紀東明王十一年

原本作十一年今釐改

命扶慰厭

伐北沃沮滅之以其地為城邑

後漢書曰北沃沮一名置溝婁去南沃沮八百餘

里南接挹婁

舊說南當作北

韓百謙曰高句麗漢賜冠服就玄菟郡受之其後稍強盛不復詣郡於東界置幘溝婁受之今在咸鏡北道

南沃沮國

補東史綱目曰南沃沮今未詳為何地後漢書云北沃沮去南沃沮八百里則蓋在北沃沮之南矣又百濟紀始祖四十三年南沃沮人至斧壤納款斧壤今平康縣也據此則蓋在斧壤之

北矣

臣謹按沃沮有東北南三名而似不出今咸鏡南北道之內也三國史有云南沃沮二十餘家來投新羅南沃沮蓋近新羅者也遼志以遼東之海州為沃沮國地此與遼中京之有三韓縣日本武莊州之有高麗郡攝津州之有百濟郡同或俘其地之人以居或夸大以名者也

黃龍國

高句麗本紀初琉璃王遷都太子鮮明不肯從留

故都黃龍國王賜強弓鮮明對使奪折之王以恃
強力結怨隣國賜鮮明死

輿地勝覽曰龍岡縣古黃龍國為高勾麗所并

東史會綱曰東明初起之地其東北為建州衛界
西北為蓋州衛界非我國圖籍所能攷據而東人
俚俗荒誕之言如東明麟馬等事承訛襲怪便作
故實今平安一道之內山川城郭之名皆傳會於
東明國史所見之名號以實其夸誕而輿地勝覽
不加證辨直以東明為起於樂浪而遂以成川為
松讓國龍岡為黃龍國優渤水為在今寧邊香山

符人國亦附於寧遼古跡之末此等處甚多皆似
誤也金富軾三國史地理志卒本川松讓國優渤
水黃龍符人等國皆云未詳此恐為的論

補東史綱目曰黃龍國在遼地東北界而今不
可考卒本為今興京等地而黃龍與卒本稱為
隣國則其不遠明矣麗史地志云龍岡故黃龍
國澳覽因之夫地名相類不是異事而牽就傳
會至於如此以為傳實之語何哉通典隋煬攻
勾麗軍多疾疫自黃龍以東骸骨相屬云則遼
界已有黃龍之名矣今奉天府之開原縣亦稱

黃龍府遼征渤海時黃龍見故名金史太祖伐
遼克黃龍城岳飛所謂痛飲黃龍酒者是也與
黃龍國別

梁貊國

高句麗本紀琉璃王三十三年命烏伊摩離領兵
二萬西伐梁貊滅其國進兵襲取漢高句麗縣

臣謹按史既曰西伐又曰進兵其行自東而
蓋西也梁貊蓋在國內城之西漢高句麗縣
之東而東川王二十年毋丘儉來侵王遂戰
於沸流水上敗之又引兵再戰於梁貊之谷

又敗之梁貊亦與沸流水不遠之地也

扶餘國

高句麗本紀大武神王五年伐扶餘國殺其王帶

素文咨王四年

原本作三年今鑿改

扶餘王及妻孥以國來

降

後漢書曰扶餘在玄菟北千里南與高句麗東與

挹婁西與鮮卑接地方千里本濊地也

今開原縣本扶餘國

渤海為扶餘府

臣謹按東史扶餘有四一東扶餘即帶素之

國也一北扶餘即鮮慕漱之國也

一云檀君之子解夫

婁為扶餘始祖一卒本扶餘朱蒙初來建國者也一

南扶餘即百濟也東扶餘蓋扶餘一種別居東南者也東國記異大武神王時東扶餘國除云則文咨王時來降者乃北扶餘也扶餘全疆八於勾麗而其北地亦八於勿吉靺鞨者焉

①補東史綱目曰史記貨殖傳燕北隣烏桓扶餘云則扶餘之號亦久矣本濊地東夷之域最平敞宜五穀晉初為慕容氏所殘破其後無聞北史豆莫婁國舊扶餘國也盛京志云扶餘國今

開原縣治界內皆其地又云其王城在開原縣城西南遼改通州

東沃沮國

高句麗本紀太祖王四年伐東沃沮取其地為城

邑拓境東至滄海南至薩水

東沃沮建國後為縣侯復稱國

曷思國

地界未詳似在鴨綠江近水

高句麗本紀初大武神王伐扶餘帶素之弟知國將亡與從者百餘人至鴨綠谷見海頭王出獵遂殺之取其百姓建都於曷思水濱太祖王十六年曷思王孫都頭以國來降

藻羅國

詳末

高勾麗本紀太祖王二十年遣貫那部沛者達賈

伐藻羅國虜其君

朱那國

詳末

高勾麗本紀太祖王二十二年遣桓那部沛者薛

儒伐朱那國虜其王子乙音為古鄒加

渤海國

大氏以勾麗舊將起自殘燼十一年之間能畫復前王之地又越海殺登州刺史韋

浚以重前王之恥且禮樂制度多倣中華崔澄送李獻序云五代累唐三十年間渤海貢生登科者

十數人李士彬其王氏相甲乙祿榮可謂曠世之傑也

東史曰唐滅高勾麗徙其人於河南隴左高勾麗

舊將大祚榮收逋殘之衆與靺鞨走保太伯山之

東北又移女真之東牟山建國號震朝諱代開元初

改稱渤海

文獻通考云唐武后時舍利乞乞仲象
其靺鞨莫乞四比羽走保太伯山仲象

子祚祿乃達國太伯山未詳東更有云在後唐天

成元年為契丹所滅渤海世子大光顯奔高麗前

後來者數萬戶麗王賜光顯姓名王緒畀白州奉

祀

補地志曰渤海國本粟末靺鞨即高勾麗別種隋

煬帝時其渠帥度地稽率其部來降居之柳城其

後乞乞仲象與其徒渡遼水保太白山東仲象死

子祚榮嗣高勾麗之亡餘燼稍歸之國號震朝

諱先天中唐拜為左驍衛大將軍渤海郡王自是

始去靺鞨之號稱渤海

文獻通考曰渤海乃高勾麗故地直營州東二千

里南接新羅界以泥河東窮海西契丹(補)地方五

千里盡得扶餘沃沮并韓朝鮮海北諸國按東國記異新

羅祇摩王十四年靺鞨兵大入北境襲大嶺柁過泥河新羅北界止於泉井泉井今德源泥河當在

於德源界內(補)臣謹按祇摩是新羅莽云王是時非但北關雖以關東言之藏龜三陟外皆是高

勾麗所管頗新羅安得越關東而(補)以泉井為界註說欠故

(補)新唐書曰渤海至文宗太和間為海東盛國

有五京十五府六十二州以肅慎故地為上京
曰龍泉府領龍湖渤三州其南中京曰顯德府
領盧顯鐵湯榮興六州濊貊故地為東京曰龍
原府亦曰柵城領慶鹽穆賀四州沃沮故地為
南京曰南海府領沃晴椒三州高麗故地為西
京曰鴨綠府領神桓豐正四州曰長嶺府領瑕
何二州扶餘故地為扶餘府常屯勅兵扞契丹
領扶仙二州鄭頓府鄭領高二州挹婁故地為
定理府領定潘二州安邊府領安瓊二州率賓
故地為率賓府領華蓋建三州拂涅故地為東

平府領伊叅浣黑比五州鐵利故地為鉄利府
領廣汾蒲海義埽六州越喜故地為懷遠府領
達越懷紀富義福邪芝九州安遠府領寧都慕
常四州又郢銅洑三州為獨奏州洑州以其近
洑沫江蓋所謂粟末水也其禮樂官府制度大
抵倣象中國云

補清統志云渤海所置州郡多在吉林為喇寧古
塔及朝鮮界

賈耽郡國志曰渤海國南海扶餘鴨綠柵城四府
并是高句麗舊地也自新羅泉井郡至柵城府凡

三十九驛

唐制三十里置一驛
一千一百七十里

臣謹按新羅統合之後東北以泉井郡之炭
項關為界今德源也西北以唐嶽縣為界今
中和也自中和而東歷今之祥原遂安谷山
以抵于德源皆其邊塞也其外今之咸鏡平
安二道皆為渤海有矣然遼滅渤海所經理
者鴨綠以北而已鴨綠之南惟保定二州其
餘皆為女真所據矣遼史地志所載者止於
鴨綠以北故鴨綠以南渤海郡縣沿革遼羅
史俱闕焉無以攷也

定安國

宋史曰定安國本馬韓之種為遼所敗餘衆保其
西鄙建國改元稱定安國開寶三年其王烈萬華
因入貢女真附表貢獻太宗時其王烏玄明復因
女真上表畧曰臣本以高麗舊壤渤海遺餘保此
方隅太宗荅勅畧曰卿奄有馬韓之地介于鯨海
之表云云端拱淳和間復因女真奉表其後不至

臣謹按渤海亡後契丹經理不及於鴨綠豆
滿之南高麗初收復又不及於平安道之江
界渭原廢四郡咸鏡道之鐵嶺以北故女真

得據其地似與定安分占也

挹婁國

補肅慎氏一名挹婁在不咸山北東濱大海西接
寇漫汗北至弱水居深山之地車馬不通夏則巢
居冬則穴處父子世為君長無文字以言語約束
無牛羊畜豬食肉衣皮織毛為布有郡常木中國
有聖王代立則生其俗嗜鹵悍尚勇力有弩皮骨
之甲檀弓三尺五寸楛矢尺有咫

補地志云古肅慎氏之國在扶餘東千餘里不知
其北所極土氣極寒常為穴居以深為貴在宋為

生女真

補高勾麗本紀始祖十年滅之

補後漢書云在不咸山北扶餘東北廣袤數千里

鮮卑國

補在扶餘之西勾麗之北

補高勾麗本紀琉璃王十一年擊降之

海頭國

補高勾麗本紀在鴨綠谷大武王五年為曷思國

所滅

椽那國

詳未

補高勾麗本紀大武王五年扶餘王帶素之從弟
以萬餘人投高勾麗封之楸那部為王賜姓絡氏
樂浪國

補即四郡之樂浪疑在平壤境

補高勾麗本紀大武王二十年滅之

廉斯國

詳末

補高勾麗本紀閔中王元年馬韓部落廉斯人蘇
馬謨詣樂浪貢獻于漢光武封為廉斯君屬樂浪
四時朝謁

報德國

高句麗本紀曰高句麗為唐所滅大兄鈞牟岑歛
圖興復收合殘民至涇江殺唐官向新羅行至西
海史冶島見故宗室安勝迎置漢城立為君遣小
兄多武等告新羅曰我先王薨失道見滅今臣等
得國貴族安勝以為君願作藩屏新羅文武王處
之金馬渚封報德王以兄女處之後神文王徵安
勝為蘇判其族子大文留金馬渚謀叛被誅餘衆
殺官吏據報德城又叛王命將討平之徙其人於
國南州郡報德城在益山郡西一里遺址僅存

史治

島即今仁
川士也

唐九都督府

三國史唐高宗乾封元年以李勣為遼東大總管伐

高句麗二年拔南蘓等城總章元年以劉仁軌為副

總管新羅王子金仁問為副九月勣等至鴨綠柵破

麗兵圍平壤城與新羅兵共平句麗收五部百七十

六城六十九萬餘戶分為都督府九新城遼城哥勿衛樂舍利居素

越喜去州四十二縣百置安東都護府於平壤以統

之薛仁貴為檢校安東總兵二萬以鎮撫之九都督府

城遼城越喜建安見一統志餘五府不載疑皆鴨江以東

文獻通考唐上元二年安東都護府自平壤徙遼東

城儀鳳二年又徙新城開元二年又徙平州天寶二年又徙遠西故郡城至治後廢

附李勣奏狀

總章二年二月前司空兼太子大師英國公李勣等奏稱奉勅高麗諸城堪置都督府及州郡者宣共男生商量准擬奏聞件狀如前勅依奏其州郡應須隸屬宜委遠東道安撫使兼右相劉仁軌逐便穩分割仍摠隸安東都護府 鴨綠水以北未降十一城 北扶餘城州本助利非西 節城本蕪子忽 豐夫城本肖邑忽 新城州本仇次忽

或云穀城盛京志虎太系征高麗李勣拔遠城蘇定方至新城大破之皆此地今在廣寧縣內地

桃城本波尸忽大豆山城本非達忽遠東城

州本為列忽盛京志今遼陽州城東南隅俗稱高麗管地新城遼城皆入於九都督府

中後皆屋城州白石城按盛京志高勾麗白石屋降之也

遼陽州城東五十七里石城多伐嶽州安市城山上古壘疑此白石城

舊安寸忽或云九都城

一統志曰安市在蓋州衛東北七十里

輿地勝覽曰安市城在龍岡縣烏石山世以此

為唐太宗所親征者非是陳嘉猷亦因國人之

言而為詩耳或別一安市城未可知也陳嘉猷朝人

賦此城曰城樓百尺拂晴雲此地曾聞駐
六軍翠輦不辭經險道白袍屢見樹奇勳

臣謹按古記云東人方言以鳳凰為安市故
鳳凰城東人稱安市華人稱鳳凰然唐宗自
安市而班師不曾至鴨綠漢書安市為遼東
郡屬縣當在鳳凰城西北之地一統志所載
為是金時習以安州為安市此尤不可知

鴨綠以北已降城十一

掠岳城

木底城

在今金州

地 薨口城

南蘓城

在今金州地

甘勿主城本甘勿伊

忽

麥田谷城

心嶽城

本居尸埤

國內州

云一

不耐或云尉那岳城

胥夫妻城本肖利忽

補三國史作肖利巴利忽

朽嶽

城本骨尸埤 櫟木城 鴨綠以北逃亡七 鉛

城本乃勿忽 面嶽城 牙嶽城本皆尸埤忽

驚嶽城本甘彌忽 積利城本赤里勿 木銀城

本召尸忽 犁山城本加尸達忽 鴨綠以北打

得城三 穴城本甲忽 銀城本折忽 似城本

史忽 都督府一十三縣 按都督府二字 岬夷縣 神

丘縣 尹城縣本悅已 今遼山縣三國地志百濟時獬悅已一云豆陵尹城

麟德縣本古良夫里 今青陽縣百濟時獬古良夫里 散昆縣本新

村 今保寧縣百濟時獬新村 安遠縣本仇尸波知 賓復縣 三國

史作 本比勿 歸化縣本麻斯良 邁羅縣 甘

蓋縣本古莫夫里 奈西縣本奈西兮 得安縣

本德近支今恩津縣百濟 龍山縣本古麻山按今

縣百濟時歸馬山床馬音同 東明州四縣 熊津且有九龍山為邑鎮疑是

縣本熊津村今公州百濟 鹵辛縣本阿老谷 久

逢縣本仇知今全義縣百 富林縣本伐音村按富

忠清道府縣新豐屬公 支潯州九縣 已汶縣本

今勿今德山縣百 支潯縣本只多村 馬津縣本

孤山按今禮山縣百濟時歸馬山新羅改名 于來

縣作三國史 本夫有只按今唐津縣百濟時歸伐音

山歟 解禮縣本皆利伊 古魯縣本古麻只

山疑此也

平夷縣本知留 珊瑚縣本沙好薩 隆化縣

本居斯勿 按今全羅道齊居屬 曹山州六縣

曹山縣本甘勿阿 今咸悅縣百濟 唐山縣本仇

知只山 今金溝縣百濟 淳遲縣本豆尸 按今全羅

利屬錦山百濟 支牟縣本只馬馬知 烏蠶縣本

馬知沙 阿錯縣本源村 古四州本古沙夫里

五縣 平倭縣本古沙夫里村 今古卑部百濟 帶

山縣本大尸山 今恭仁縣百濟 辟城縣本辟骨 今

謁郡百濟時號碧 左贊縣 三國史 本上杜 淳牟

縣本豆奈只 沙伴州本號尸伊城四縣 牟支

縣本號尸伊村按今長城府即百濟時古尸伊無

割縣本毛良夫里今高敞縣百濟時佐魯縣本上者

多支縣本夫只帶方州本竹軍城六縣至

留縣本知留軍那縣本屈奈今咸平縣百濟時

疑是徒山縣本抽山按今全羅道濟時疑是徒山此則唐人仍其

因曰而抽山乃別稱如安市城之半那縣本半那

夫里按今全羅道濟時夫里

那夫竹軍縣本豆膀按今長興所屬莒原府縣百

帶方本竹軍城是軍字之訛也謂北誤也補

而此作屬長布賢縣本巴老彌分峻州本波知

與恐欠故

城四縣

按今樂安郡百濟時号分嗟郡唐陞郡為州而因襲旧号如徒山之例也分嗟一作

有分沙今樂安郡北五里

貴且縣本仇斯珍芳

按今長城

所屬珍原仇立音同疑是首原縣本買省坪

阜

西縣本秋子芳

今鼻陽府百濟時芳秋子芳

軍支縣

按輿地勝覽樂安古

蹟有軍和部曲在郡南二十里支和音同疑是

臣謹按唐平百濟置五都督府後並勾麗置

九都督府又置安東都護府以統之然九都

督李勣狀中只著一四十二州只著七百縣

只著四十六

以已上所錄列自嶠夷至軍支合五十一縣而此作四十六據

萬以下二十一城其所著州縣皆百濟之地

也勾麗全疆在於鴨水南者無一見焉鴨綠
以北如蒼巖大行等諸城見於唐書及麗紀
皆係勦等所拔者而此悉不載止云打得城
三蓋此狀脫落者多而非全文也

東國文獻備考卷之十三

東國文獻備考卷之十四

校正

輿地考 二

歷代國界 二

辰國

史記曰真番辰國欲上書見天子

後漢書曰三韓地合四千餘里

言方四千里也

東西以海為

限皆古之辰國也共立其種為辰王都目支國盡有

三韓之地

文獻通考曰辰王治目支國

臣謹按辰國史記漢書通典通考皆昭載而
東史無一著見踈漏甚矣顏師古以辰為辰
韓非是蓋辰與朝鮮分南北而建國者也其
始末不可考而辰之後為馬韓馬韓分而為
三韓也目支地界未詳馬韓所統五十四國
有月支無乃月與目字相近而訛歟

馬韓國

東史曰馬韓都金馬

今蓋山郡有金馬山國号以馬者此也一說馬韓所都在金堤

郡以金字之同傳會而云然也然金堤本百濟舊郡金堤之名始於新羅未而在馬韓之後也

後漢書曰韓有三種馬韓在西有五十四國其北與樂

浪南與倭接

按馬韓在西者言在辰韓之西也

五十四國

愛襄國

東國通鑑作爰襄國

牟水國

桑外國

小石索國

大石索國

優休牟涿國

臣漬

沽國

三國志作臣漬沽國

伯濟國

通鑑作伯齊國

速盧不斯國

日

華國

古誕者國

古離國

怒藍國

月支國

治離牟盧國

通鑑作咨難牟盧國

素謂乾國

古爰國

莫盧國

卑離國

占卑離國

占釁國

通鑑作臣釁國

支侵國

狗盧國

卑彌國

監奚卑離國

古

蒲國

致利鞠國

冉路國

兒林國

駟盧國

內卑離國

通鑑作內卑離國

威奚國

萬盧國

辟卑

離國 舊斯烏朝詩代國三國志作曰一離國 不

離國文獻通考友半國三國志作狗素國 棲盧

國通鑑作牟盧卑離國臣蘓塗國 古贈國 臨

素半國 臣雲新國 如來卑離國 楚山塗卑

離國 一難國 狗奚國 不雲國 不斯漬邪

國 爰池國 乾馬國 楚離國大者萬餘家小者數千家

(補)徐居正曰三韓所統七十餘國之名見於陳

壽王國志者如此必非鑿空造語而東史不傳

今不得考其所在

補東史綱目曰三韓之地自今漢水以南為始

馬韓今漢水以南京畿忠清全羅道之地西渡
海通青齊楊越東南渡海通倭北限漢水接朝
鮮東連辰卞二韓後百濟有其地

箕準馬韓國

輿地勝覽益山郡北龍華山上有古城
世傳箕準所居故名箕準城郡南五里

有官垣階砌遺址
世傳馬韓時宮基

後漢書曰箕準入海攻馬韓破之準滅絕馬韓復自

立為辰王

臣謹按東史皆以馬韓只為箕準之國至論

馬韓歷年有曰起漢惠帝丁未止新莽己巳
共二百三年有曰歷四郡二府之時傳世宗

二百年是以箕準之國為馬韓之始終今以
後漢書考之其傳似不久也漢書云真番辰
國上書欲見天子壅閼不得所謂壅閼者為
朝鮮王右渠所壅閼也是時箕準之王馬韓
七十餘年漢書不曰馬韓而曰辰國則右渠
之世準已滅絕而馬韓人復立為辰王也且
東史以馬韓之割東界與辰韓謂箕準有太
師仁厚之風以箕準借地衛滿失其國而後
孫不能懲前借地溫祚以亡讖之夫秦人之
避地辰韓在秦時而箕準之王馬韓在漢惠

時準後之借地漫祚在漢成初而箕準之滅
絕在右渠前故箕準所取之馬韓箕準後孫
以後之馬韓與夫箕準之馬韓凡三馬韓也
後馬韓國

三國史漫祚二十六年冬出師陽言畋獵襲馬韓遂
并其國惟圓山錦峴二城未下二十七年二城下馬
韓遂滅

臣謹按新羅本紀脫解王五年馬韓孟召以
覆巖城來降時馬韓之亡已五十餘年矣高
句麗本紀太祖王六十六年以馬韓濊貊圍

漢玄菟郡時則馬韓之亡已百餘年矣然則
馬韓雖亡而其舊國遺民猶不盡降於百濟
往往拒守猶稱亡國舊號歟抑馬韓中間復
興而衰小不國其興滅不載於史而因事著
見歟今併不可考

辰韓國

後漢書曰辰韓在東十二國其北與濊貊接

東史曰秦亡人避苦役適韓國馬韓割東界地與之

故名秦韓

一云韓在帶方
方辰方故名

崔致遠曰辰韓本燕人避之者故取涿水之名

稱所居邑里云沙涿漸涿羅人方言讀涿音為道故今或作沙梁

亦補通乙今傳訛補通乙

六部

按通典云辰韓始有六國指六府歟

關川楊山

村

今量巖寺口地勝覽作楊山

突山高墟村

兄茂山大樹村伊

嘴山珍支村

花金山加利村

栢栗寺之北山明活山高邱

村

金剛山

十二國

已抵國

東國通鑑作已抵國

不斯國

弁辰彌離

彌凍國

弁辰接塗國

勤耆國

難彌離彌凍

國

弁辰古資彌凍國

弁辰古淳是國

丹奚

國

弁辰半路國

弁樂奴國

軍彌國

大者四五

小者六
七百家

補東史綱目曰辰韓今慶尚道洛江以東之地
北連濊貊西北接馬韓西界多與卞韓錯居東
渡海通倭服屬馬韓為新羅

弁韓國

後漢書曰弁辰在辰韓之南亦十有二國其南亦與
倭接弁辰與辰韓雜居城郭衣服皆同言語風俗自
異

十二國

弁軍彌國

弁辰彌烏邪馬國

如湛

國 弁辰甘路國

戶路國

州鮮國

馬延國

弁辰狗邪國 弁辰走漕馬國 弁辰安邪國

弁辰瀆廬國 斯廬國 優中國

韓百謙曰新羅儒理王十八年首露王肇國於
駕洛據有辰韓之南界其後人於新羅疑此即
為弁韓之地也

臣謹按弁韓馬韓其南皆與倭接則弁韓在
於馬韓南界之東以北接辰韓其四履正合
駕洛之墟駕洛即伽倻之一也文獻通考以
伽倻琴為弁韓琴此其證也又按漢書云辰
韓有十二國而此為十三可疑辰韓十二國

列錄之末有軍彌國弁韓十二國列錄之首
有弁軍彌國是或相連而疊錄歟新羅初號
斯盧而此有斯盧或新羅之號混入歟

補東史綱目曰卞韓今慶尚道洛江以西之南
跨智異山延至今全羅道東南之地東與辰韓
雜居西北與馬韓接東南渡海通倭服屬馬韓
後降新羅又分為五伽倻之地其在智異以西
之地入于百濟

附三韓辨說

崔致遠曰馬韓則高麗卞韓則百濟辰韓則新

羅

權近曰三韓之說互相不同然朝鮮王準避衛
滿之亂浮海而南開國號馬韓至百濟溫祚立
遂并之今之益州有古城人補箕準城馬韓之
為百濟無疑矣辰韓新羅始祖所起之地新唐
書曰卞韓在樂浪之地又曰平壤古漢之樂浪
郡則卞韓之為高句麗無可疑後漢書謂卞韓
在南辰韓在東馬韓在西其曰卞韓在南者蓋
自漢界遠東之地而云身非謂辰韓在辰馬二
韓之南也崔致遠因謂馬韓麗也卞韓濟也誤

矣

輿地勝覽曰京畿馬韓之域忠清全羅道卞韓
之域黃海道馬韓朝鮮舊地慶尙道辰韓之地
馬韓為高勾麗辰韓為新羅卞韓為百濟崔致
遠已有正論金富軾亦以致遠之論為是至其
中葉始有以金馬山在百濟之境平那山在高
勾麗之境平與弁聲相近遂疑馬韓為百濟卞
韓為高勾麗及金九容編周官六翼叙三韓則
云高麗並樂浪百濟並馬韓帶方至叙三國則
直以高勾麗為馬韓百濟為弁韓一人之言自

相矛盾何足道哉逮本朝權近與李蔭修東國
史畧乃斷以馬韓為百濟卞韓為高勾麗近乃
近世大儒而為是論以亂千載已定之論何也
反覆攷中國史及東史馬韓最大統五十四國
今益山以南無地可容五十四國意者馬韓王
都密近於弁韓而東北與新羅靺鞨沃沮等封
疆相接其後高勾麗東明王起於樂浪盡有馬
韓東北之地後人稱麗為馬韓者以此也後漢
書載弁韓在辰韓之南亦與倭接又曰弁辰雜
居不曰弁韓而曰弁辰可知二韓之相隣附也

新羅赫居世十九年弁韓以其國來降其後百濟滅馬韓兵力強盛蠶食新羅卞韓舊地智異山以西盡為所並後人稱濟為弁韓者以此也奈何近惑於金馬平邦之說謂馬韓在百濟封域之中遂以為百濟乎且唐書所云弁韓苗裔在樂浪之地者蓋言卞韓之系出自樂浪耳金匱軾猶謂非實錄近顧乃引以為證去苗裔二字直云卞韓在樂浪之地何也又其言曰後漢書謂卞韓在南者蓋自漢界遼東而云爾非謂卞韓在辰馬二韓之南也信如是則其所云馬

韓在西者亦可謂之遼東之西乎周官六翼云
云三國遺事謂麗地自有馬邑山故名馬韓濟
地自有卞山故云卞韓今平壤府有馬邑山扶
安縣有遼山遺事之云或恐有徵是書未知誰
作亦出於高麗中葉所記荒誕不經然辨三國
之說則證據甚明謹因崔致遠舊說以京畿忠
清黃海等道係於馬韓舊域以全羅道係於卞
韓云

韓百謙曰東方在昔自分為南北其北本三朝
鮮之地檀君與堯並立歷箕子暨衛滿分為

四郡合以為二府與高朱蒙迭為盛衰東晉以
後高氏遜並其地是為高句麗也其南乃三韓
之地也漢初箕準為衛滿所逐浮海而南至韓
地金馬郡都焉稱為韓王是為馬韓秦之亡人
遜後入韓地韓割東界以與之是為辰韓又其
南有弁韓屬於辰韓各有渠帥漢書云弁韓在
南辰韓在東馬韓在西其指三韓地方亦已詳
矣新莽元年溫祚滅馬韓而百濟興焉宣帝五
鳳元年朴赫居世為辰韓六部民所推載而新
羅始為弁韓前史雖不言其所傳而駕洛據有

辰韓之南界疑此為弁韓之地也然則南自南
北自北本不相攬入雖其界限不知的在何處
而恐不出於漢江一帶也崔致遠始為馬韓麗
也弁韓濟也此一誤也權近雖知馬韓之為百
濟而亦不知高句麗之非弁韓混而說之此再
誤也自是以後作史之家承誤襲謬不復就其
地而覈其實遂將一區三韓之地左牽右引紛
紜錯雜至今數千年間未有定說可勝惜哉何
以明其然也當三韓時本國雖無文字兩漢書
皆有列傳試以年代上下地界遠近求之則百

代雖遠歷之如在眼前夫何難辨之有哉漢武帝元封三年討朝鮮王右渠遂定其地以朝鮮縣為樂浪東曉縣為臨菑雲縣郡為真番沃沮城為玄菟而高句驪為玄菟屬縣是為四郡朝鮮縣今之平壤東曉縣今之江陵沃沮城今之咸鏡道高句麗今之平安道江邊一帶此則皆有可據之書不可誣也雲縣郡雖不詳其所在當昭帝合四郡為二府也以樂浪臨菑合為東府都督府以玄菟平郡合為平州都督府樂浪臨菑之間黃海江原京畿左道地界固已相接

矣乎那即真番之別稱玄菟既不可跨越樂浪
臨菑千里之地而與下三道合則所謂雲縣其
必在於西北與玄菟附近之地可知然則四郡
二府之界限其止於此亦明矣又何時為弁韓
或馬韓耶漢書云卞辰在辰韓之南亦與倭接
又云弁辰與辰韓雜居衣服居處同其稱弁韓
必曰弁辰則弁韓之於辰韓必為附庸而不相
懸遠可知又云馬韓統五十四國辰弁韓各統
十二國所謂國即今之郡縣合辰弁二韓僅得
二十四國不能當馬韓之半以此見之湖西湖

南合為馬韓而嶺南一道自分為辰弁二韓又
何疑乎馬韓歷四郡二府至新莽時為百濟辰
韓亦歷四郡二府至宣帝時為新羅弁韓之與
辰韓始為附庸終為合屬如上所云則三韓又
何時入中國為四郡二府哉吾以是知四郡二
府之自為四郡二府三韓之自為三韓而不相
涉也蓋三韓僻在東南一隅之地去中國最遠
雖堯舜揖遜而聲化不暨楚漢交爭而干戈不
擾耕鑿晏如長育子孫別為天地間一壽域故
西北避亂之民多歸之仍成村落各以其本管

名其居慶州之得號樂浪亦如辰韓之或名秦
韓也後人不知此二樂浪因以平壤為弁韓何
其誤哉

補又曰崔致遠唐昭宗時人上邇三韓時幾千
餘年其出於傳聞非耳目所及則與權近何異
權近亦何異於今時之人而况崔致遠聰明才
氣固東方第一然其歷代興廢必資聞見而知
致遠入唐遊學時年十二其還國纔二十八今
唐書所載皆致遠遊學時所說十二歲童子雖
未生之國其能貫穿千年沿革而不一誤亦未

可必也後之覽者必欲奉信而不敢疑其亦過
矣權近亦近世大儒久居金馬郡親見所謂箕
準城遂以馬韓定為百濟則亦庶幾乎有見矣
而終不能大眼遠察其引弁韓何其穿鑿之甚
哉其他平那山之平字與弁聲相近遂謂弁韓
為高句麗云者則又與兒童迷藏之戲無異矣
(補)柳馨遠曰按通典云周初封殷太師於朝鮮
至漢高帝時國滅武帝元封中開其地置樂浪
等郡其三韓之地在海島之上朝鮮之東南百
濟新羅分三韓地新羅又在百濟之東南倭又

在東南隔越大海高句麗本朝鮮地所都平壤
城卽古朝鮮國王儉城也又云馬韓在西其北
與樂浪南與倭接辰韓在東其北與濊貊接並
辰在辰韓之南其南亦與倭接各在山海間東
西以海為限皆古之辰國也三韓蓋為百濟新
羅所吞并又云百濟據有馬韓古地南接新羅
北距高句麗則其指朝鮮三韓南北地界及朝
鮮之為高句麗三韓之為羅濟已了然矣又據
三國史新羅始祖十九年并韓以國未降則并
韓之合於新羅而同為今慶尚地明甚百濟始

祖十三年遣使馬韓告遷都定疆域二十四年
溫祚立熊川柵馬韓王遣使責曰王初渡河無
所容足吾割東北百里之地畀之今大設城池
侵我封疆何也至二十七年溫祚襲滅馬韓因
并其國則馬韓之并於百濟而為今忠清全羅
地亦無疑矣而勝覽但以全羅係并韓黃海係
馬韓者何哉勝覽既知馬韓在辰并之西而不
知已合於新羅境內以全羅為并韓故不得已
以黃海等地為馬韓也權近以并韓為高句麗
則勝覽議之當矣然臆度傳會倒置并馬之失

又甚於近矣今依韓氏之說以京畿左道忠清
全羅道係于馬韓以慶尚道係于辰韓弁韓漢
江以北係于朝鮮舊域云

臣謹按古之論方輿者常求三韓舊地於朝
鮮之境又以羅麗濟三國分配於三韓之舊
地辰常不易而卞馬互搜崔說兩失其真權
說一是一誤紛紜不定殆至數百年之久輿
覽一書始置三韓於南朝鮮於北并舉而對
峙之領畧其大體矣但以篤信崔說故牽引
卞馬遑幅欲實麗濟之分占然韓百謙之論

實源於興覽而開說分明世以為定論也

(補)南九萬文集曰三韓之名出於前後朝鮮皆

亡之後馬韓箕準汎海逃去立國之地今蓋山

踰金馬郡是也辰韓新羅始祖所生之地史稱

朝鮮遺民分居山谷為六村是謂辰韓六部今

慶州是也卞韓或稱卞辰以其近於辰韓也且

稱最近倭國飲食衣服多與倭同云似是首露

王之國介金海等地是也然則三韓只在兩南

或畧及於忠清道自京畿以上元不相及而孤

雲崔致遠字陽村權近勝覽諸說皆欲以羅麗濟三

國分排於三韓以此其說皆不通唯近時韓百
謙之說稍勝四郡之說亦然樂浪臨屯在即今
我國之境而玄菟真番皆在今遼東女真之地
而纂東史者必欲并求四郡於我國之地故無
一通者矣

補又曰三韓極微必不一時立國其疆域之一
彼一此安能指定大槩朝鮮皆都平壤朝鮮南
境之盡處似是馬韓之北土至於辰韓地界尤
不可知其限矣只憑漢書得其二三其他皆無
傳又麗濟亡於唐而遺民文物悉移入中國金

富軾雖近古其茫昧無可據實與今無異矣

補東史綱目曰金富軾三國史地志崔致遠曰

馬韓則高句麗卞韓則百濟辰韓則新羅也此說近似若新舊唐書皆云弁韓苗裔在樂浪之地此傳聞懸說樂浪古朝鮮國與鷄林隔絕

補又曰高麗僧無極三國遺事曰致遠云馬韓

麗也辰韓羅也弁韓濟也東明之起并馬韓而因之故稱麗為馬韓今人或認金馬山以馬韓為百濟者蓋誤也麗地自有馬邑山故名馬韓也唐書云卞韓苗裔在樂浪云者謂溫祚之系

出自東明故云身或有人出樂浪地之立國於
卞韓與馬韓等並峙者在漫祚之前爾非所都
在樂浪之北也或者誤以九龍山亦名卞那故
以高勾麗為卞韓當以古賢之說為是百濟自
有卞山故云

百濟國

東史寶鑑漫祚初以烏干馬黎等十臣從
行故國号十濟後以百姓樂從改為百濟

後漢書曰三韓凡七十八國百濟是其一也

三國史曰初沸流漫祚兄弟與烏干馬黎等十臣南
奔至漢山登負兒嶽望可居之地沸流欲居海濱十
臣曰惟此漢南之地北帶漢水東據高嶽南望沃澤

西阻大海可以作都沸流不聽分其民歸彌鄒忽居
之溫祚都河南慰禮城以十臣為輔翼沸流以彌鄒
忽土濕水醎不得安居歸見慰禮都是鼎定人民安
樂遂慚悔而死其臣民皆歸於慰禮

鄒凡十三年

三國地志曰慰禮城未詳地界

輿地勝覽曰稷山縣東二十里聖居山上有慰禮城

徐居正曰慰禮城世傳為稷山而負兒嶽距北
二百里安能相其可居者乎且地勢褊狹非建
都之地也心竊自疑去年撰三國史節要考諸

書稷之為百濟無疑

臣謹按今稷山縣有地名以厭水園裏坪者
世傳溫王養黠獮之處也黠獮飲水多則死
故東人號以厭水有洞名以料者世傳溫王
設食給料之處也縣東三里有溫王廟我世
祖九年始立春秋降香祝致祭今廢

三國史始祖王十三年王曰我國東有樂浪北有靺
鞨侵軼疆境少有寧日況今妖祥屢見國母棄養勢
不自安秋七月就漢山下立柵移慰禮城民戶十四

年正月遷都

都凡三百七十五年○即今府州南漢山城城中天柱寺有溫祚祠我仁祖時

達○補臣謹按始祖十四年丙辰移都漢山近肖古王二十六年辛未移都北漢城都漢山凡三百七十

五年而本原作三
百八十九年欠攷

溫祚王十四年等北漢城

近肖古王二十六年移都北漢城

都凡一百四十年
補臣謹按近肖古

王二十六年移都北漢城凡一百四十年而本原作一百五十年

攷

文周王元年移都熊津

今公州
凡六十三年

聖王十六年移都所夫里

都凡一百一十二年
泗改國号南扶餘

夫里古省津也方言呼省為所
或作蘇如高勾麗
之賈省郡後為來蘇郡百濟之省大焉縣後為蘇恭

縣所又轉為所
乙今嶺南之省
峴是也方言謂嶺為夫里指山之嘴也

北史曰百濟東極新羅西北俱限大海北際漢江

臣謹按以今忠清全羅二道東邊嶺脊為限而忠清之報恩青山黃澗永同沃川是新羅地清安鎮川忠州槐山延豐陰城丹陽永春是新羅與勾麗相爭者也全羅之雲峰茂朱所屬茂豐廢縣亦新羅地也其餘皆百濟地詳見郡縣沿革

唐書曰百濟西渡海至越州宋祈新書百濟西界越

州南倭皆踰海

越州越王勾踐所都會稽山陰之地唐時為越州

文獻通考曰唐時高勾麗既畧有遼東百濟亦略有

遼西晉平

本註唐柳城北平之間

臣謹按三國史終百濟之世未嘗有侵撓中國者則遼西越州以何時為百濟所畧有也然而非但新舊唐書文獻通考著為崔致遠上唐太師侍中狀云高麗百濟全盛之時強兵百萬南侵吳越北挑幽燕齊魯為中國巨蠹然則遠越之為百濟一時之有者無疑而東史特逸其事耳

補東史綱目曰溫祚逃難南奔馬韓封東北百里之地都慰禮城尋移漢山下遂定疆域南接馬韓至熊川西窮大海東至走壤北至涓河後

又并諸小國東接新羅限智異山然而今晉州
嘗為百濟之居烈城則新羅西北邑亦陷於濟
矣其北則初限涇河當高句麗長壽王二十三
年即毗有王之九年魏使李敖至麗訪其地南
至小海小海即涇水所入處則此則涇南猶為
濟地後長壽王攻濟都漢城殺蓋鹵王太子文
周南遷熊津從此漢南北陷于麗矣然其後東
城武寧王俱幸漢城聖王時與麗濊謀攻漢北
獨山城又麗出兵至涇水云則蓋其侵奪無常
也百濟亡新羅併其地置熊全武三州今兩湖

是也纂要云其地東至智異山西南至大海北
至漢江者言其緊也北史云百濟馬韓之屬始
立國於帶方故地東盡新羅西南俱限大海處
小海南東西四百五十里南北九百餘里三國
史引北史云北際漢江今考之無此四字蓋金
氏自以意增也通典云南接新羅北距高麗千
餘里唐書云西界越州南倭皆踰海北高麗
沸流國

輿地志曰彌鄒忽即沸流所都也今仁川府南
有山名南山一名文鶴山之上有城世傳沸流

所都以王恚憤而死故名恚憤城府南十里有海坪上有大塚墻垣舊址宛然石人偃仆而甚

大俗傳彌鄒王墓云

耽羅國

初朱新羅時并泊耽津故名一名耽弁羅一名元羅

古記曰高夫良三乙那分居始播五穀牧駒犢以

富庶至十五代孫高厚渡海朝新羅王賜弓蹄星

主

于時客星見于南方太史奏外國人來朝之象云故也

自百濟文周王時

事百濟東城王二十年以不修貢獻親征至武珍

州耽羅聞遣使乞罪乃止百濟亡復事新羅

三國遺事安弘記九韓耽羅居四

九韓一日本二中華三呂越四

七羅五鷲遊六難弱七
丹國人女真儿藏弱

休忍國

一統志曰休忍在新羅東亦三韓之屬東晉時屬
燕秦滅燕遂屬秦及苻洛叛徵兵於鮮卑烏桓高
句麗百濟新羅休忍諸國其後并於百濟

州胡國

後漢書曰馬韓之西海島上有州胡國其人短小
髡頭衣布衣有上無下好養牛承乘舟往來貨市

韓中

周留城

東史曰百濟王子豐嘗質於倭百濟亡之翌年辛酉宗室福信據周留城迎豐為王西北部皆應遂圍唐將劉仁願於熊津唐遣劉仁軌與新羅兵合攻之福信乃退保任存城今大興郡先是風達郡將黑齒常之收合逋亡依任存城自固不旬日歸者三萬即復三百餘城以應福信遣使于倭乞救來癸亥仁軌等進攻周留城焚倭船四百艘於白江周留豆陵諸城皆下王子豐奔高句麗王子二人及倭衆悉降新羅王貴倭人縱令歸國獨任存城據險不下唐帝遣使招諭黑齒常之乃降仁軌遂使

之攻拔任存城倭兵歸時百濟王子隨倭兵入倭
所謂臨政太子也

唐五都督府

三國史曰唐高宗顯慶五年以蘓烈為大總管新羅
金仁問為副率十三萬兵伐百濟滅之五部三十七
郡二百城七十六萬戶析置五都督府即將劉仁願
守都城即將王文度為熊津都督撫其餘衆

熊津都督府

州今公

馬韓都督府

山今益

東明都督府

金漣都督府

諡未

德安都督府

臣謹按崔致遠上唐侍中書曰蘇定方破百

濟乃於其地置扶餘都督府云唐破百濟則
必於故都置一府觀於劉仁願之守故都可
徵然則東明府即今扶餘縣而百濟為東明
之後故名以是也且以東明府所屬諸縣考
之皆是扶餘傍邑則尤可證矣至於德安則
李勣狀中有得安縣今恩津縣也德得音同
疑是

新羅國

三國史新羅國高徐那伐或云斯羅或云斯盧或云新羅脫解王九年始林有羅悝更在

雞林因以為國高基臨王十年復高斯羅與地勝覽
改人稱元京都亦曰徐伐後轉為徐菟東史實錄新

羅取日新其德綱
羅四方之義也

輿地勝覽曰慶州本新羅古都

小京六

中原

今忠州

西原

今清州

北原

今原州

南原

金海

溟州

三國史曰新羅今于韓為國西至于智異北至于雞立

東國通鑑曰新羅東南至海西至智異山北至漢水

臣謹按新羅北界得失無常所謂北至雞立

者言其上世也至漢水者言其中葉也

東國地志曰新羅真興王以今安邊為比列州高原

為井泉郡咸興黃草嶺及端川亦有巡狩碑則沃沮

亦有時為新羅所奪有矣

補臣謹按本考州縣咸鏡道卷及輿地勝覽皆以德

源為井泉郡高原則無井泉之号而此以高泉為井泉地志說可疑又按本考山川卷作草黃岑下板算

四行亦作草黃岑而此作黃草嶺一慶惡諾

真興王巡狩定界碑在咸興府北草坊院碑文畧
曰朕紹太祖之基纂承王統兢身自慎又曰四方
託境廣獲民土隣國誓信和使交通又曰歲次戊
子秋八月巡狩管境訪采民心

臣謹按草坊院在今咸興府北百餘里草黃

嶺下坊輿地勝覽作黃坊黃音相近海東集

古錄碑十二行三十五字全碑為四百二

十字而滅泐不可辨可辨者重二百七十八

字今考新羅本紀真興王十六年戊子補按

真興王庚申即位戊子則二十九年而冬十
此作十六年之歲及千支一廢恐誤

月巡北漢山拓定封壇十二月至自北漢山

所經州郡復一年租則戊子果真興巡狩咸

興之年而八月定界十月至北漢十二月還

都八月事特逸於史身當三國鼎峙之時新

羅之地不得過此列忽此列忽今之安邊府

也逮三國統合之後又不能過泉井泉井今

之德源府也咸興在安邊之北二百餘里端

川在咸興之北三百六十里

補臣鍾按以本考道里記觀之

咸興在安邊北三百一十里端川在咸興而北三百八十五里今此二府道里恐欠攷

以巡狩碑觀之端川以南嘗折入於新羅者可知此國史野乘所不著而獨荒裔片石留作千古故事矣

太宗王七年滅百濟文武王戊辰滅高麗勾神文王

乙酉合三國地置九州東西南俱際海北則自溟江

今大
同江

以南東至德源為界自真聖女君以後八州盡

入於萱裔之竊據而垂亡只有良州而已景哀王二

年高麗府

即今永川

將軍能文降于高麗高麗王以高麗

近於王都勞慰而遣之

補東史綱目曰新羅其始起於辰韓之地今慶州即其肇業之基也此時辰弁所統諸小國存滅未詳而以其見於東史者言之則洛江以東有伊西國押梁國骨火國召文國昌寧國葺山國又有音沐伐國洛江以西有甘文國沙伐國又有駕洛國及五伽倻國分治則新羅初起其地甚少後來吞併遂拓土西至智異山接百濟西北至漢江北至井泉郡接高句麗東南至大海通倭此其大槩也然而互相侵奪得失無常

以西界言之則訖解王開碧骨堤真興王置完
山州百濟東南郡邑蓋多入于羅矣以此言之則
真興王置北漢山州善德王時高句麗來侵七
重城勾麗南東亦多入于羅矣及併麗濟三面
際海而西則只得勾麗南界聖德王三十四
年勅賜溟江以南地至唐岳土山為界後溟北
之地唐亦不能有而為渤海靺鞨所據矣東北
濊貊地曾已入羅而至井泉郡新羅北界止於
井泉郡景德王籌炭項關門疑今德源府鐵關
之地也通考渤海南接新羅以泥河為界泥河

疑亦在德源界內南史云新羅在百濟東南五
百里東濱大海北與勾麗接通典云在百濟高
麗二國東南東濱大海後致強盛西北界犬牙
出麗濟之間新唐書云東南日本西百濟北高
麗橫千里縱三十里

李晔光曰山海經曰海東有君子國衣冠帶
釧好讓不爭有槿花草朝生夕死又古今記曰
君子國地方千里多木槿花唐玄宗謂新羅号
為君子之國且高麗時表詞稱本國為槿花鄉

居漆山國

葭山國

補臣謹按與覽東萊卷云取葭山國為居漆山郡而無并列二國之事此以居恭山

葭山介作二
目恐欠改

脫解王二十三年于尸山國漆山國介在隣境頗

為國患居道

名人

為邊官每年集群馬於張吐之野

使兵士騎之以為戲樂稱以為馬技兩國人習見

之為新羅常事於是起兵擊其不意滅二國

三國史地志曰有隣郡本高勾麗于尸郡東萊郡

本新羅居恭山郡

音汴伐國

伐或作火新羅方言坪謂之伐火謂之弗度伐為大二音相似故也

娑娑王二十三年音汴伐國與悉直谷國爭壘王
召首露王決之六部會饗首露漢祗部以位卑者
主之首露怒命奴殺之奴逃依音汴伐主王索其
奴主不送王怒伐之音汴伐主以其衆降

輿地勝覽曰興海郡本音汴伐一云安康廢縣

悉直國

娑娑王二十三年悉直國來降

輿地志曰悉直今三陟府北葛夜山上有古城
城中有古井相傳悉直時井

押督國

督一作梁

娑娑王二十三年押督國來降逸聖王十三年押督叛討平之徙其餘衆於南地

輿地勝覽曰押督今慶山縣東十二里有押梁驛

世傳古國基

此只國

多伐國

草八國

娑娑王二十九年遣兵伐此只國多伐國草八國

并之

草八今
草溪

召文國

伐休王二年拜波珍食仇道一吉殄仇須兮為左

右軍主伐召文國滅之以其地為郡

召文今義城

甘文國

助賁王二年以伊殄于老為大將軍討破甘文國
以其地為郡

輿地志曰甘文今開寧縣北二十里有大塚世
傳甘文金孝王陵縣西熊峴有大塚世傳甘文時
獐夫人塚甘文山在縣北二里柳山在縣東二里
山北東院傍甘文國遺基猶存東史云大散兵三
十蓋國之至小者也

骨伐國

助賁王七年二月骨伐國王阿音夫率衆來降賜田宅以安之以其地為郡

輿地勝覽曰骨伐今永川所屬臨川廢縣之地在今州治

沙梁伐國

一云沙伐

沾解王三年沙梁伐國背而歸百濟遣于老討滅之

輿地勝覽曰沙梁伐今尚州東十里有屏風山下有沙伐國古城傍有丘陵然世傳沙伐王

陵

伊西古國

儒禮王十四年

或作十九年

伊西古國來圍金城王大

舉兵擊破

補

臣謹按儒理王十九年滅伊西國至儒禮

王十四年復反擊破之此所以伊西之下獨

著古國二字且儒禮王在位十五年無十九

年

輿地勝覽曰清道郡本伊西小國

于山國

智證王十三年于山人恃險不服河瑟羅三國史作何瑟

羅軍主異斯夫多造木獅介載戰船至其島以威

之國人懼遂服歲以土宜為貢于山今鬱陵島

金官國初芳駕洛或作伽落又稱伽倻後改為金官駕洛國紀亦稱衡有○補臣謹按自始

祖首露王至仇衡王凡十世四百九十一年

輿地志曰今金海府宮墟在府西三百步有首露

王墓之傍有廟龜旨山東有王妃墓府人並祭以

正五八月新羅末有英規者奪廟為淫祠後入廟

樑折壓死宣祖壬辰倭寇戮其墓棺中飲以金王頭骨大如銅魚棺外有二美人顏色彩如

生出置塚中見日即消盡當時獨葬者也

駕洛國紀曰東以黃山江西南以滄海西北以地

理山東北以伽倻山南為國

黃山江俗名三叉水在金海府東

臣謹按金官四履古記所載有可以證者三

國史新羅祗摩王四年春伽倻寇南邊秋王

親征伽倻帥步騎度黃山江伽倻人伏兵以

待之王不覺直前伏散圍數重王奮擊決圍

而退觀於此則東界黃山江者可知婆娑王

十八年以國家西隣百濟南接伽倻等加召

馬頭二城加召即今居昌縣馬頭未詳地分

而似是馬利縣即今安義所屬廢縣利安也

觀於此則西至地理山者可知

大伽倻國

自始祖伊珍阿艘王一云內珍朱智
至通寶智王凡十六世五百二十拜

真興王二十三年伽倻叛王命異斯夫討降之

輿地志曰大伽倻今高靈縣之南一里有宮闕遺

址傍有石井俗傳御井縣西二里許有古歲世傳

錦林王陵琴谷在縣北三里世傳伽倻國嘉悉王

樂師于勒率工人肄琴之地或云此琴出於金官

之伽倻國東京堤在縣東十里世傳新羅謀攻大

伽倻舉兵來和而退夜簪此堤以示其衆

小伽倻國

高麗地志曰固城縣本小伽倻新羅取之置郡

古寧伽倻國

三國地志曰古寧郡本古寧伽倻國新羅取之為

郡

古寧伽倻
今咸昌

阿羅伽倻國

羅一作那
云阿尸良

法興王滅阿尸良國以其地為州景德王改為咸

安郡

輿地勝覽曰今咸安郡北白沙里有古國牛谷東

西境上有古塚高五丈者四十餘所皆其國君之

葬古老相傳

補臣謹按原本所載雖如此白沙里
古國牛谷古塚等說不載輿覽欠攷

星山伽倻國

東國記異曰星山伽倻今京山一云碧珍三國遺事以星

山爲伽倻之一

臣謹按右五伽倻五童子分主者也權近以

金官列於五伽倻東國記異註金官不八五

數是矣東國史畧則并數金官而濫記昌寧

誤矣

骨浦國

漆浦國

補臣謹按壤地勝覽與海郡有古漆浦鎮疑

是漆浦古國

古浦國

奈解王十七年骨浦漆浦古浦三國攻新羅竭火城王率兵救之大破三國

臣謹按三國地志新羅合浦縣本骨浦縣今廢屬昌原府此為骨浦國故地也奈解王十四年浦上八國謀侵加羅國然則國於浦上者多而國名亦多不傳

補臣謹按輿地勝覽慶山縣有古浦城舊基疑是古浦古國

加羅國

補臣謹按輿地勝覽巨濟縣南三十里有加羅山疑是加羅國故基

任羅國

通典新羅傳曰百濟征高麗人不堪戎役相率歸之遂至強盛因襲加羅任羅諸國三韓之地滅之

補東史綱目曰通典云新羅襲加羅任羅諸國滅之北史云新羅附庸於迦羅國接秦韓指辰韓慕韓指馬韓加羅指駕洛音似而誤傳也任那指伽倻字相似而誤分也更接三國史強首

傳曰臣本任那加良人史又以強首為中原京

沙良人中原京今忠州然則任那國即忠州歟

臣謹按加羅任羅今不可考而三國史新羅

奈解王十四年浦上八國謀侵加羅加羅王

子來請救王命太子于老原本作于克今聲改往救之

擊殺八國將軍奪所虜六千人還之以浦上

八國侵伐及所虜六千人觀之加羅蓋近浦

上而其國之不甚小可知文献通考宋文帝

元嘉間倭王珍遣使自稱持節都督百濟新

羅任羅秦韓六國諸軍事倭國王後宋

加倭王職皆如故以任羅列於百濟新羅則
任羅亦不小之國也三國史斯多舍傳真興
王命異斯夫襲加羅註云加羅一云加耶然
則加羅是加耶別稱歟異斯夫所滅即大伽
倭也

昌寧國

輿地勝覽曰安東府古昌寧國

臣謹按昌寧無可考而安東本古阬耶郡本
紀娑娑王五年古阬耶郡王猷青牛安東亦
古時小國也

召羅國

駒令國

東史遺記曰二國皆在今安東府界內東北一百
二十里有春陽廢縣之南十里水口有召羅國古
址其西數百武有嶽墟今田野間有石磐耕夫往
往得之縣北三十餘里有高迪嶺山上開谷廣袤
可數里三面險阻世傳駒令王立國於此與召羅
國以今覺華寺史今有洞口石峴為界古記駒令王
率兵踰石峴將襲召羅國召羅王知之擊走之云
駒令谷口有古城門兩石礎今稱駒令坊南去十

五里山上有小石城，中有將壇遺址，相傳兩國相爭時留陣處。云其西數里山坡上大巖刻柳底將軍留陣處七字，不知何時所記。

溟州國

輿地志曰：周元武烈王之孫初宣德王薨，無嗣，群臣奉貞懿太后命立周元為王。族子王大長等敬信先八宮稱制，是為元聖王。周元懼禍，退居溟州，遂不朝。請後二年封周元為溟州郡王，割溟州翼

嶺

今集陽府

三陟斤乙於

今海平郡

蔚珍等官為食邑

都督

憲昌周元之子也。以父不得王帝懷惡曠憲德王十四年據熊州叛國。尋長安魯武全尚康諸州及

國系金官諸郡縣守令為己屬王遣張韓等討誅之古記周元歌信同母兄舅母涇州人始居蓮花峯下芳蓮花夫人及周元封於涇州夫人葬於周元王歲一東省四代因陰為州高麗系志高勾麗俗樂有涇州曲即蓮花夫人事且涇州乃新羅時置非勾麗時名則涇州曲當屬新羅樂府

補保羅國

詳未

補奈鮮王十四年侵加羅為新羅所敗即浦上八國之一

補古自國

城今國

補奈鮮王十四年侵加羅為新羅所敗即浦上八國之一

補史勿國

川今泗

①補 奈解王十四年侵加羅為新羅所敗即浦上八國之一

①補 帶方國

今南原

①補 基臨王三年來降

恭封國

東史會綱曰金弓裔新羅憲安之庶子

或云景文王之子

以重午日生而有齒光焰異常王命殺之投諸

樓下乳婢竊捧之手觸一日眇逐逃匿年十餘祝

髮號善宗新羅政衰盜賊蜂起沙伐州有元宗哀

奴原州有梁吉竹山有箕萱餘不可勝記真聖王

辛亥善宗投梁吉分兵百餘東畧地由雉嶽山下

襲酒泉

今府屬原州東
史誤作醴泉

柰城翳烏御珍等十餘郡

縣皆降之甲寅入湟州衆至三千五百乙卯取猪

足狹川夫若金城鐵圓等十餘郡縣始稱君海西

諸史多作
湟西似誤

諸賊多來降松嶽沙殄王隆以郡歸丙

辰取僧嶺臨江二縣丁巳仁物縣降戊午以王達

為精騎大監攻取漢州所管楊州見州孔巖黔浦

穴口等三十餘城建都松嶽等勃禦塹城已未還

都于鐵圓梁吉聞弓裔貳已以國原等三十餘城

勁兵欲襲之進非勞

三國史
作非惱

城下弓裔迎擊大敗

之庚申使王建攻取廣州忠州唐城青州槐壤等
州郡賊帥清吉葦萱之徒望風投降辛酉僭稱王
癸亥使王建率舟師由西海抵光州界攻錦城下
之改号羅州於是南方十餘郡縣皆反甄萱歸附
甲子國號摩震建元武泰攻取尚州等三十餘郡
縣公州將弘奇來降乙丑移都鐵圓之楓川原楓川
原在府北二十七里今殿宇遺址猶存改元聖冊分定溟西十三鎮
平壤王黔用來降甌城赤衣黃衣賊明貴等歸服
己巳使王建修戰艦于貞州海道進擊珍島郡又
破臯夷島城庚午甄萱圍羅州王建往救之戰于

木浦口萱大敗辛未改國號恭封改元水德萬歲
甲戌改元政開景明壬戌寅諸將士以弓裔驕虐
推戴王建為君方裔出奔為斧壤民所害

後百濟國

東史會綱曰甄

音真

萱尚州加恩縣人真聖王壬子

嘯聚徒侶劫掠西南州縣旬月之間衆至五千遂

襲武州自署為新羅西南都統兵馬使漢南郡開

國公孝恭王庚申僭稱王都全州國号浚百濟遣

使吳越吳越王報聘仍加檢校太保辛酉攻大耶

城不克癸亥王建取羅州等十餘郡縣丁卯萱陷

一善以南十餘郡庚午以羅州叛附弓裔率步騎三千圍之經旬不解與王建戰大敗故神德王壬申與弓裔戰于德津丙子攻大耶城不克景明王戊寅熊津等十餘州縣叛高麗來附庚辰率步騎

一萬攻陷大耶仇史至于進禮

按史云錦山郡而地志云進禮城在

金海府西

高麗遣兵救之萱引退甲申遣子須彌散大

耶聞韶二城卒攻高麗曹物郡失利而歸乙酉高麗使庾黔弼攻燕山鎮斬其將吉臬又攻任存郡殺獲三千餘人萱率三千騎至曹物城高麗王亦以精兵來與之角取居昌等二十餘城遣使稱藩

于後唐策萱為百濟王丙戌進軍熊津麗王俞諸
城堅壁不出丁亥春高麗王以萱違盟屢侵自將
伐之新羅王史兵助之萱兵大敗於運州城下元
甫金樂破大良城於是百濟康州諸城皆降於麗
秋萱攻近品城燒之進襲高麗府新羅急告於高
麗高麗以兵一萬赴之未至萱以輕兵猝入王都
麗王聞之親率精騎兵五千星夜南馳邀萱於公
山之桐蘖

今在永川郡西後因著其拳太祖旨

麗軍大敗萱棄勝取

大木郡敬順王戊子攻康州七月麗王攻百濟三
年城不克遂幸青州萱遣兵襲之時麗將庾黔弼

城湯井郡有異夢經趣青州遇萱奮擊敗之追
至禿岐鎮殺獲三百餘人八月使將官昕城陽山
高麗擊走之昕退保大耶城縱軍芟取大木郡丞
稼分兵屯島於谷城

一名谷城

於是竹嶺路塞麗王

遣王忠等攻拔島於谷城己丑秋以甲兵五千攻
義城府麗將洪術戰死庚寅圍古昌郡與麗王戰
於瓶山下不克於是永安河曲直明松生等三十
餘郡縣相繼來降萱之與麗王戰也別遣將攻陷
順州掠人戶移入全州麗王即移軍順州以守將
棄城遁降為下枝縣是時新羅之地自溟州至興

禮府百十餘城皆降高麗壬辰秋麗王親征一牟
山城冬遣舟師入禮城江取鹽白貞三州又焚船
一百艘破大牛島捉猪山島牧馬三百匹而歸燕
山昧谷將軍龔直叛附高麗癸巳遣兵劫掠樸山
等城甲午麗王親征運州萱簡甲兵五千至度黔
弼及其未陣擊之斬獲三千餘級熊津以北十餘
城望風自降萱為子神鈕所幽逃奔高麗王率
兵擊神鈕降之萱憂懣疽發死于黃山佛寺後百
濟盡平

高麗國

高麗之号或以為取義於山高水麗非也高麗起於高句麗故地故号高麗高句麗之麗

本驪字盧溪功韻書高麗之驪作平拜者此也差取水麗為義則當作去拜

高麗史太祖二年定都于松嶽之陽光宗十一年改開京為皇都成宗十四年為開城府

肅宗元年

原本作已即今釐改

金謂碑引道說所記上書請置

南京以時巡往六年於三角山中心大脉王坐丙向東至大峯南至沙里西至岐峰北至面嶽為基以建宮闕辛禍八年遷都九年還開京恭讓二年復遷南京三年還開京

西京

今平壤

南京

今京都

東京

今慶州

江都

今江華

重興殿

川今白三蘓宮

右蘓豐德白馬山左蘓長湍白嶽北蘓今新溪箕連山

地理志曰西北自唐以來以鴨綠為限而東北則以先春嶺為界蓋西北不及高句麗東北過之

柳馨遠曰與覽云鏡城府久為女真所據高麗

睿宗二年尹瓘逐女真城之後沒於元恭愍王

收復按高麗史地理志東界州郡止於吉州而

自鏡城以北則無載焉尹瓘本傳及諸傳紀並

未有見恭愍王討小生復諸城時史稱收復和

定靜邊等州鎮及咸州哈蘭洪猷三撒之地而

未有及此地者蓋麗末疆界亦不及於吉州迤

北明矣而輿覽云然未知何所據也謹考原史

正之

臣謹按今平安咸鏡二道自高句麗亡後為
渤海女真之據。方裔所得只湏西十二鎮而
已。徐熙曰自契丹東京至我安北府皆為生
女真所據。光宗取之。等嘉州松城。熙乃成宗
時人。此其耳目所及者。爾至光宗成宗拓地
漸遠。及其末葉。鴨江之內。乃盡得之。麗志謂
自唐以來。以鴨綠為限者。其說疎矣。東北則
高麗之界在於今定平之都連浦。柳韶長城
所止處也。咸州等九城。睿宗時破女真以等

者而尋即撤還至垂亡時雖得甲州乙州等
地而非其本疆也今慶源鏡城富寧會寧鍾
城慶興寧城等府皆我朝所闢也



卷一 上